

CHIZINDIKIRO

 Kuwerenga kwa Mawu. Pa msonkhano wotsekera, chifukwa chimene ine ndinakufunsirani inu kuti muime... Pamene iwo akumba *The Star-Spangled Banner*, inu mumaimirira. Si choncho inu? [Osonkhana akuti, “Inde.”—Mkonzi]. Ndiye nanga bwanji chifukwa cha Mawu a Mulungu? Iwo ndi ulemu. Tsopano mu Bukhu la Eksodo, mutu wa 12, kuyambira ndi ndime ya 12, ine ndikufuna kuti ndiwerenge gawo la Lemba, ndime ya 12 ndi ya 13.

Pakuti Ine ndidutsa dziko la Igupto usiku uno, ndipo ndikantha... mwana woyamba kubadwa mu dziko la-la Igupto, zonse ziwiri munthu ndi chiweto; ndipo... ndidzachita chiweruzo: Ine ndine AMBUYE.

Ndipo magazi adzakhala kwa inu ngati chizindikiro pa nyumba imene inu mulipo; ndipo pamene Ine ndiwona magazi, Ine ndidzadutsa pa inu, ndipo mliri sudzakhala pa inu kuti ukuwonongeni inu, pamene ine ndikantha dziko la Igupto.

² Phunziro langa ndi: *Chizindikiro*.

³ Tiyen'i tiweramitse mitu yathu tsopano. Ndipo mu kachetechete Wake wa nthawi yopatulika iyi, tisanamuyandikire Iye mu pemphero, kodi pali chopempha chimene inu mungafune kuti Mulungu akuyankheni masana ano? Mungokweza mmwamba manja anu ngati inu muli nacho, ndipo muganize pansi pa mtima wanu chimene inu mukufuna kuti Iye achichite. Paliponse mu nyumbayi, mungoganiza chimene inu mukufuna kuti Iye akuchitiren'i.

⁴ Atate athu Akumwamba, Inu ndinu Mulungu wosasintha, ndipo ife tikupemphera kuti Inu tuyankhe mapemphero athu, masana uno, pamene—pamene ife tagwira manja athu. Ndipo Inu mukuona kuti manja anga ali mmwamba, nawonso. Ndipo chopempha changa, ine ndichipanga icho kudziwika pagulu, ndicho kuti, Ambuye, kuti Inu mumuchiritse munthu aliyense ali pano lero, mupulumutse wotaika aliyense. Tsopano, Inu munati, “Ngati inu mudzawapempha Atate chirichonse, mu Dzina Langa, Ine ndidzachichita icho.” Tsopano, Ambuye, mutithandize ife pamodzi kuti tikhulupirire ngati gulu la anthu, la ana okhulupirira. Muyankhule kudzera mu Mawu Anu, Ambuye. Mawu Anu ali Choonadi. Mudalitse mitima yathu.

⁵ Ife tikukuthokozani Inu chifukwa cha msonkhano uno. Ife tikukuthokozani Inu chifukwa cha M'bale Grant, ndi chifukwa cha antchito ake onse, ndi mipingo yonse ndi anthu. Ndi chifukwa cha zonse zimene Inu mwatichitira ife, Ambuye, ndife oyamikira kwa Inu. Atate, pakhoza kukhala ambiri a ife muno

situdzawonananso wina ndi mzake kenanso tsopano, kufikira ife tidzawonane kumbali inayo. Uwu ukhoza kukhala msonkhano wotsiriza umene ife tikhale pamodzi pa dziko lapansi lino. Mulole Mzimu Woyerwa ubwere ndipo udzatidalitse ife pamodzi, mutumikire kwa ife zosowa zathu. Mu Dzina la Yesu ife tikupemphera. Ameni.

Mukhoza kukhala pansi.

⁶ Ine ndiri ndi kagome kakang'ono ka pepala pano, ine ndinalembapo Malemba ena ndi zinthu pang'ono. Ndinkakonda kumatha kukumbukira izo mmalingaliro anga, koma ine ndangodutsa kumene twenty-faifi, inu mukudziwa, kameneko ndi, kachiwiri. Ndiyeno ine sindikumatha kukumbukira monga momwe ine ndinkachitira, ndipo zotangwanitsa zambiri mmisonkhano ndi zinthu, ndi zochuluka zoti ndichite.

⁷ Phunziro lathu masana ano ndi: *Chizindikiro*. Chochitika chathu chikutsegukira ku Igupto. Icho ndi chithunzi chachikulu apa tsopano, ine ndikufuna inu nonse kuti muchiwone icho ndipo mungokhala olemekeza momwe inu mungathere. Igupto ndi kumene kukuchitikira nkhaniyi, ndipo nthawi ya chochitikacho ndi basi pakuyambirira pa kutuluka.

⁸ Ndipo, tsopano, icho ndi choimira cha lero, chikuwonetsedwa, pamene ifenso tikuyang'anizana ndi kutuluka kwina. Mulungu akumubweretsa Israeli kuchokera ku Igupto, akupita ku dziko lolonjezedwa, chinali choimira cha Khristu akumubweretsa Mkwatibwi kuchokera mu mpingo, kupita ku Dziko lolonjezedwa. Ife tiri mu kutuluka kwina. Tsopano ngati inu mungawerenge Lemba, ife tangokhala ndi nthawi yoti timenye malo a pamwamba a izo, izo nzoona. Ife tiri a...Monga Mulungu anatalulutsira fuko kutuluka mu fuko, Mulungu amubweretsa Mkwatibwi kuchokera mu mpingo. Mkwatibwi adzaitanidwa kuchokera mmipingo yonse. Iye adzakhala wosankhidwa wa Mulungu, adzatulutsidwa azipita. Ndipo ife tiri mmphepete mwa kutuluka kumeneko pakali pano, pakuti ife tiri nako kutsimikizira kwa Mwamalemba kulikonse kuti ife tikuima pamenepo. Tsopano, ine ndikudziwa kuti izo zanenedwapo nthawi zochuluka, koma, mzanga, nthawi ina izo zidzanenedwa kotsiriza. Nthawi idzazimirira mu Muyaya pamenepo. Iye akubwera kuti adzatenge Mkwatibwi kuchokera mu mpingo.

⁹ Chizindikiro chinali chinthu chimene chinapanga kusiyanitsa pakati pa Igupto ndi Israeli, mafuko awiriwo. Iwo onse anali anthu, koma onse olengedwa ndi Mulungu, onse anali ntchito ya manja a Mulungu, koma, chosiyanitsa pamene chilango cha imfa chinadzaperekedwa, chosiyanitsa pakati pa moyo ndi imfa chinali chizindikiro.

¹⁰ Ndipo chomwecho izo zidzakhala pa kudza kwa Mwana wa Mulungu, pamene Iye akumubweretsa Mkwatibwi kuchokera

mu mpingo, chosyanitsa chidzakhala Chizindikiro. Tsopano, inu mumvetsera mwacheru masana ano, ndipo muwone ngati zimenezo siziri zonna. Chizindikiro chidzakhala chosyanitsa chake. Apo pakuyenera kukhala kusiyana.

¹¹ Mulungu adzaliweruza dziko, tsikulina. Ngati ine nditawafunsa anthu Akatolika, kodi Iye adzamuweruza ndani, kodi Iye adzaliweruza dziko ndi chiyani? Iwo anganene kuti, “mpingo.” Mpingo wake wuti? “Mpingo wa Katolika.” Mpingo wa Katolika wake wuti, ilipo ingapo ya iyo? A Methodisti anganene kuti, “ndi wa Methodisti,” a Baptisti ndiye kuti ali kunja kwa izo. Ndiye, ngati inu mungaweruze ilo ndi mpingo wa Baptisti, ena onsewo ali kunja kwa izo. A Pentekoste akuti, “ndi wa Pentekoste,” zikatero ena onsewo ali kunja ndiye. Mwaona, izo zingakhale zosokoneza, zosokoneza mochuluka kwambiri, zosokoneza kwambiri kwa malingaliro, kuti uganizire za chinthu choterocho.

¹² Koma Mulungu anali nayo njira apa imene Iye anati Iye akanadzaweruzira nayo dziko lapansi, osati ndi mpingo wa Katolika, osati ndi mpingo wa chiprotestanti. Koma Iye adzaliweruza dziko lapansi ndi Yesu Khristu, ndipo Yesu ndi Mawu, chotero pamenezo izo zikubwereranso ku Baibulo kachiwiri. Mukuona? Iye adzaweruza dziko lapansi ndi Baibulo. Ndipo Baibulo ndi Bukhu loweruzira la Mulungu, limene liri vumbulutso lathunthu la Yesu Khristu, kuti palibe chirichonse chingawonjezeredwe kapena chirichonse chingachotsedwe kwa Ilo; chilango chake ukachita zimenezo, ndi dzina lako kuchotsedwa mu Bukhu la Moyo. Tizingokhala mu Bukhu lomwelo, ndipo tizipemphera kwa Mulungu kuti atipange ife kukhala gawo la Ilo.

¹³ Tsopano ife tikupeza kuti, chizindikiro, chizindikiro ndi chiyani? Chizindikiro ndi chisonyezo cha mtengo umene walipiridwa, chizindikiro ndicho. Chimodzimodzi monga ngati njanji zathu ndi mabasi, ife timatenga ndalamu zathu ndipo timapita ku siteshoni. Tsopano, mwaona, mabasi samaloledwa, kumalo kumene chiphaso chimagwiritsidwa ntchito, iwo samaloledwa kuti azitenga ndalamu. Iwo sangathe kutenga ndalamu, amatenga chiphaso; monga, ndege, china chirichonsecho. Iwe umapita ku malo ena ake, pa kauntara yogulira, ndipo umakagula, kuchokera pa ndalamu yako, ziphaso zambiri, chiphaso chinachake ichi. Ndipo chiphaso ichi chimakhala chisonyezo kuti mtengo wako walipiridwa. Iwe uli ndi ufulu wokwera sitima, kukwera ndege, kukwera basi, kapena chirichonse chimene icho chiru, bola ngati iwe uli ndi chiphaso kuti ukawonetsera kuti wako—ulendo wako walipiridwa. Tsopano mukumbukire zimenezo. Musaiwale zimenezo.

¹⁴ Mwanawankhosa wophedwa wa Israeli anali...chinali chofunikira cha Mulungu. Yehova ankafuna mwanawankhosa

wophedwa, cholowammalo chosalakwa. Monga ife tadutsira mu sabata yangothayi tsopano, kuti Mulungu, pamene Iye apanga chigamulo, Iye samasinha nkomwe icho. Ndipo Iye anakonza njira, chinthu Chake choyamba chimene Iye anachita pamene munthu anagwa, Iye ankayenera kukonza njira yoti iye adzabwererere, ngati Iye ankafuna konse kuti adzamuwombole iye, ndipo Iye anapanga chigamulo kuti Iye adzamupulumutsa munthu mwa Magazi a Mmodzi wosalakwayo. Ndipo Iye nthawizonse wakhala akuchita chinthu chomwecho. Iye sanayambe wasinthapo izi. Palibe malo amene Mulungu ati adzakumane naye konse wopembedza aliyense, kokha pansi pa Magazi. Ndiwo malo Ake okhawo.

¹⁵ Ife timayesetsa kuti timupange Iye kuti akumane nafe pansi pa fiolejo yathu, pansi pa chipembedzo chathu, pansi pa madongosolo athu a maphunziro. Ena amanga nsanja ndipo ena amanga mizinda, Babeloni ndi—ndi nsanja ya Babulo, ndi mitundu yonse yosiyanasiyana ya zinthu. Koma izo zikukhalabe, Mulungu amakumana ndi wopembedza woona kokha pansi pa Magazi. Iye samasinha nkomwe zimenezo. Ife tonse sizingatheke kuti tikhale a Methodisti, ife tonse sittingakhale a Pentekoste, ife tonse sittingakhale *ichi*, *icho*, kapena *chinacho*, ife tidzatsutsana. Koma pamene ine ndibwera kwa munthu, kaya iye ndi wansembe wa Katolika kapena chirichonse chimene iye ali, pamene iye ali pansi pa Magazi amenewo ndife abale, sindisamala kumene iye ali, bola ngati iye ali pansi pa Magazi amenewo.

¹⁶ Tsopano, mwanawankhosa wophedwa wa Israeli anali chofunikira cha Yehova, ndipo magazi anali chizindikiro kuti ntchitoyo inali itachitika. Chofuna cha Mulungu cha chiwombolo, kuyambira ku Igupto, kuti apite ku dziko lolonjezedwa, Iye anafuna chinyama chophedwa. Ndipo chinyama chimenecho chinkayenera kukhala...Magazi a chinyama chakufa amayenera kuikidwa pa mphuthu ya chitseko, ndipo chimenecho chinkaimira chizindikiro kuti chinthu chimene Yehova ankachifuna chinali chitakwaniritsidwa. Mukuona? Tsopano, osati kuti mwanawankhosayo anali chizindikiro, magaziwo anali chizindikiro. Tsopano, moyo unali utatuluka mwa nsembeyo, ndipo tsopano magaziwo anali chizindikiro. Zofuna Zake zinali zitachitidwa. Magazi ankaimira chizindikiro, chisonyezo chakuti wokhulupirira uyu anali attachita ndendende chimene chofunikirachochinali. Chimenecho chinali chizindikiro. Chabwino, kumuwona wokhulupirira, akupembedza, pameneopo ndiye ankazindikiritsidwa ndi nsembe yake. Mukuona?

¹⁷ *Apa* pali nyumba, ndi wopembedza, chofunikira chinali chiyani? “Muphe mwanawankhosa. Pa tsiku la fortini iye atatha kuikidwa pamwamba, wa—wamphongo wopanda chilema,

Israeli yense adzapha iye, ndipo magazi azitengedwa ndi hisope ndi kuikidwa pa mphuthu ya chitseko.”

¹⁸ Ndipo, tiri pomwepo, hisope imeneyo anali maudzu wamba. *Hisope* amatanthauza “chikhulupiriro chanu.” Winawake kuyesetsa kuti akhale ndi chikhulupiriro chauzimu, ndi chifukwa chake inu mumaphonya machiritsa anu. Chikhulupiriro ndi chinthu wamba chabe. Inu mumakhala ndi chikhulupiriro chobwera ku tchalitchi. Inu mumakhala ndi chikhulupiriro chomayenda kupita kunja uko. Inu mumakhala ndi chikhulupiriro cholizira galimoto yanu. Inu mumakhala ndi chikhulupiriro chakuti mudya chakudya chanu chamadzulo. Umo ndi momwe izo ziriri, basi chikhulupiriro wamba. Tsopano kupaka magazi, amapakidwa ndi hisope, umene uli udzu wamba basi umene umamera paliponse ku Palestina, kuwonetsera chikhulupiriro chimene magazi akuyenera kupakidwa nacho si chinthu china chapamwamba chimene inu mukuyenera kukhala nacho mitundu yonse ya madigirii a udokotala kuti muchite zimenezo. Icho ndi chawamba basi, chikhulupiriro cha tsiku ndi tsiku, kumukhulupirira Mulungu. Mukuona? “Mupake magazi,” mwa chikhulupiriro, “ndi hisope.”

¹⁹ Tsopano, wopembedzayo, ndiye, akawona pansi pa magazi amenewa, amawonetsera kuti anali atakwanirtsida chompempha cha Yehova, ndipo iye amazindikiritsidwa. Chizindikiro chimawonetsera kuti iye anali atazindikiritsidwa ndi mwanaawankhosa wophedwa amene Yehova ankamufuna. Ntchitoyo inali itachitidwa. Choimira changwiwo bwani lero, cha Khristu ndi wokhulupirira. Pamene Chizindikiro chiwonetedredwa kwa wokhulupirira, ndiye Icho chimawonetsera kuti chavomerezedwa ndipo ntchitoyo yagwiridwa.

²⁰ Ndiye, magazi amakhala chizindikiro cha kuzindikiritsidwa, magazi enieniwo. Nyama inkaukha magazi, imafa, ndipo magazi ake amakhala pakhoma. Tsopano, moyo wa chinyama, umene umakhala mu magazi. Ndipo moyo umakhala mmagazi, ife timadziwa zimenezo. Baibulo linanena chomwecho, ndipo sayansi imatsimikizira zimenezo, moyo umakhala mu magazi. Chotero pamene chinyama chiphedwa, ndipo moyo nkuswedwa kuchokera mwa chinyamacho, magazi amayenera kukhala madzi a magazi, kuti akaimire chizindikiro. Chifukwa, moyo umene umakhala mmagazi sumabwerera pa wokhulupirira, chifukwa iwo umakhala moyo wachinyama.

²¹ Ndipo moyo wa chinyama ndi moyo wa munthu ndi wosiyana mwamtheradi. Mulibemo, kalikonse mwa iwo nkomwe. Inu mutenge, mutenge magazi a chinyama ndipo muwaike iwo mwa inu, inu mufa. Chotero inu mwaona, ife, iwo ndi mo—ndi moyo wosiyana umene umakhala mu magazi a chinyama wosiyana ndi umene umakhala mu magazi a munthu, chifukwa munthu ali ndi solo. Chinyama chiribe solo.

²² Ndipo tsopano, chotero, magazi pawokha, mumvetse tsopano, zimadzi zoffira, zimankhwala za magazi, amayenera kukhala pa chitseko, ngati chizindikiro kuti mwanawankhosa waphedwa, tsopano, chifukwa chakuti moyo wa mwanawankhosa sumatha kubwerera pa munthu wopembedza. Koma lero... Izo zinali choimira chabe.

²³ Lero si madzi a Magazi a Ambuye Yesu, Mwanawankhosa wathu, koma ndi Moyo umene unali Mmagazi, umene uli Mzimu Woyer. Iwo umabwerera ndipo ndiwo Chizindikiro kuti ife tachivomereza ndipo tachita ndendende chimene Mulungu anatiuza ife kuti tichite. Ndiyeno, pokhala ndi Chizindikiro, ife tikumazindikiritsidwa ndi Nsembe yathu. Mwangwiyo. Ine sindikuwona momwe chirichonse chowonjezera chingakhalire chomveka bwino mulimonse. Mukuona?

²⁴ Njira yokhayo imene aliyense amatha kudziwira kuti nyumba iyo inali nawo, nayonso, pansi pa magazi, nchifukwa chakuti madzi a magazi anali pa zitseko. Iwo amadutsapo, Mngelo wa imfa amayenera kuyang'ana ndikuwona magaziwo. Tsopano, kenanso, icho chinali choimira cha Mzimu Woyer.

²⁵ Tsopano, mwaona, Magazi enieniwo a Yesu sakanatha kubwera pa wina aliyense wa ife, chifukwa Iye anangokhala ndi Magazi okwanira basi mu thupi Lake. Ndipo iwo anawukha, kuchoka mu thupi Lake, anapita padothi, zaka thuu sauzande zapitazo; koma iwo sikuti anali kuti adzakhale Chizindikiro. Moyo, Moyo umene unali Mmagazi, unali Chizindikiro tsopano. Ine nditsimikizira izo kwa inu, miniti chabe, mwa Baibulo. Iwo ndi Chizindikiro chimene chikuyenera kubwera pa aliyense wa ife, kuti tikawonetsera kuti tazindikiritsidwa ndi Nsembe yathu, ndipo tachita chofuna cha Yehova.

²⁶ Petro anati, pa Tsiku la Pentekoste, "Lapani, mmodzi aliyense wa inu, ndipo mubatizidwe mu Dzina la Yesu Khristu kuloza ku chikhululukiro cha tchimo, ndipo inu mudzalandira mphatso ya Mzimu Woyer. Pakuti lonjezo liri kwa inu, ndi kwa ana anu, ndi kwa iwo amene ali kutali, ochuluka amene Ambuye Mulungu wathu adzawaitana." Mwaona, osati kungowonetsera izo kwa iwo okha. "Onse amene Ambuye adzawaitana."

²⁷ Alipo ochuluka amaganiza kuti anaitanidwa. Koma onse "Ambuye" adzawaitana! "Iwo amene Iye anawadziwiratu, Iye anawaitana; onse amene Iye anawaitana, Iye anawalungamitsa; onse amene Iye anawalungamitsa, Iye wawapatsa ulemelero," chinthuso chakhazikika kale.

²⁸ Ndiyeno pamene inu mumutenga munthu amene sakhulupirira kuti Mzimu Woyer ndi wa tsikuli, mukuona zimene iwo amachita? Iwo akukana Chizindikiro chimene chiru chisonyezo kumene chakuti iwe walumikizana ndi Nsembe yako. Mukuona chimene ine ndikutanthauza? Izo ndi zophweka kwambiri ngati inu mutangoyang'ana pa izo mwa—mwanjira

imene Mulungu walembera izo tsopano. Magazi anatinyamula ife ndipo ife tinali... zimawonetsera chi—chisonyezo cha Mzimu Woyeru, umene uli Moyo.

²⁹ Tsopano, moyo wa chinyama sumatha kubwerera mwa munthu, chifukwa iwo sukanafanana, moyo wachinyama ulibe solo mwa iwo. Moyo wa munthu uli ndi solo. Chinyama sichimadziwa kuti icho chiri maliseche. Ichō sichimadziwa chabwino ndi choipa. Ichō, icho basi... Ichō chiri ndi—ndi mzimu, koma osati solo. Tsopano kumbukirani, tsopano, solo ndi chikhaliidwe cha mzimu, zonna.

³⁰ Tsopano penyani, komano pamene Moyo wa Nsembe yathu, Yesu Khristu, pamene Magazi Ake anadzakhet sedwa. Iye anali Mulungu, atakidwa mwa Munthu mmodzi. Tsopano, Iye anatsika pansi kuchokera kokhala Yehova, kuti adzazizindikirite Iyemwini ngati munthu, kuti adzazitengere pa Iyemwini maonekedwe a munthu, kuti adzazizindikirite ife ndi Iye. Iye anali Mwanawankhosa wa Mulungu. Ndipo mkaati mwa Iye, mmene Magazi...

³¹ Tsopano ine ndikudziwa winawake akuti, “Iye anali magazi Achiyuda.” Inu mumawamva Ayuda akunena zimenezo. Iye sanali magazi Achiyuda, ndipo sikutinso kuti Iye anali magazi a Wamitundu. Iye anali Magazi a Mulungu. Iye analibe ngakhale Achiyuda... Iye sanalinsa ngakhale Myuda kapena Wamitundu. Iye anali Mulungu. “Na—na—namwali adzaima.”

³² Tsopano, ine ndikudziwa anthu ambiri a inu ndi a Chiprotestanti mumaganiza kuti dziralo linali la Maria. Ndi ma—magazi a moyo amene amabwera, moyo umene umabwera mu khungu la magazi. Chifukwa, nkuku ikhoza kuikira dzira, popanda kukhala ndi mbalame yaimuna, iyo siingawutamire, chifukwa ilo si lachonde. Moyo umachokera mu mpita wa magazi, amene amachokera kwa mwamuna. Koma mu nkhami iyi panalibepo chachimuna, chotero, “moyo mmagaziwo,” umayenera kuti unabwera kuchokera kwa Mulungu yekha, ndipo Iye analenga khungu la Magazi mmimba mwa Maria. Mulungu Iyemwini, Mlengi Iyemwini, analenga khungu la Magazi. Tsopano taonani. Iwo amati, “Chabwino, ilo linali thupilo. Maria anali ndi dzira.” Ayi, bwana. Iye sanali; analibe dzira. Ngati ilo likanakhala dzira, iwe sungalandire umuna popanda kugirigishana. Ndipo ngati Iye, iye anali ndi kugirigisha, ndiye Mulungu akuchitapo chiyani?

³³ Iye analenga zonse ziwiri dzira ndi Magazi. Ndizo ndendende chimene Iye anali. “Ife tinamugwira Mulungu,” Baibulo linatero. Timoteo woyamba 3:16, “Popanda kutsutsana chachikulu ndi chinsinsi cha umulungu: Mulungu anawonetseredwa mu thupi. Ife tinamugwira Iye ndi manja athu.” Thupi lija linali Mulungu. Ndithudi, ilo linali. Iye anali Mulungu paliponse, mmawonekedwe a munthu.

³⁴ Tsopano ife tikuzindikira mu ichi, kuti khungu la Magazi lija poswedwa, limenelo potero zinatulutsa Mulungu. "Mulungu anali mwa Khristu, akuliyanganjitsa dziko kwa Iyemwini." Pamene, panalibe mmodzi aliyense akanachita zimenezo, panalibe kalikonse kakanachitidwa; izo zinatengera Magazi oyera amenewo, Iyemwini. Mulungu anachita kutsika ndipo anadzakhala munthu, kuti adzamve kuwawa ndi lamulo Lake Lomwe. Ngati Yesu akanangokhala mneneri chabe, mwamuna wolekanitsidwa kwa Mulungu, ndiye Mulungu ndi wosalungama.

³⁵ Ngati ine ndingati, "Mulole M'bale Grant afere tchimo lina limene Billy amayenera kufa nalo, kapena china chakenso, chilango china," zimenezo zingakhale kusalungama. Ngati ine nditakhala ndi mwana wanga yemwe kuti afere chilango chimene ine ndalengeza, izo sizingakhale zolungamabe. Pali chilungamo chimodzi chokha chimene ine ndingachite, ndicho kutenga malo ake, ngati ine ndikufuna kuti ndimupulumutse iye.

³⁶ Ndipo Mulungu anachita kudzasandulika thupi, ndi cholinga chakuti adzatenge malo a wochimwa; Mulungu anadzawonetseredwa mu thupi, panalibe china chochepera kwa Mulungu Iyemwini. Tsopano, apa Iye anali, akuwonetseredwa mu thupi, kuti adzachotse machimo a dziko lapansi. Ndipo Iye anadzazindikiritsa Iyemwini mwa ife, kuti ife tidzathe kuzindikiritsidwa mwa Iye. Mukuona cholinga cha izo?

³⁷ Tsopano ife tikupeza kuzindikiritsidwa kwathu ndi Nsembe yathu, Moyo wa Nsembe mwa ife, umene uli Mzimu Woyeria. Pamene khungu limenelo linaswedwa, ilo linatulutsa Mulungu, linatulutsa Mulungu, kuti Iye wawayeretsa anthu ndi Magazi Ake Omwe ndipo wamuika Mulungu mwa munthu kachiwiri. Mulungu mwa inu, Moyo Wamuyaya!

³⁸ Ndipo wophunzira Wachigriki aliyense amadziwa kuti mawu amenewo, Moyo Wamuyaya, amachokera ku Mawu akuti Z-o-e, Zoe, amene amatanthauza "Moyo Wake Womwe wa Mulungu." Uko nkulondola. Njira yokhayo imene inu mungakhalire ndi Moyo, pali mawonekedwe amodzi okha a Moyo Wamuyaya, ndipo umenewo ndi Moyo Wake Womwe wa Mulungu mwa inu. Mukuona? Zikatero ndiye kuti inu muli ndi Moyo Wamuyaya, chifukwa Iye ndi Wamuyaya yekhayo amene alipo. Ndipo ife ndi zikhumbo za malingaliro Ake, pasanakhale nkomwe maziko a dziko lapansi kapena chirichonse. Zonsez ndi kulingalira Kwake chabe, ndipo ife ndife chiwonetsero cha malingaliro Ake a chimene izo zinali.

³⁹ Ndipo Iye ankayenera kutsika pansi ndi cholinga chakuti adzachotse tchimo. Palibe mmodzi aliyense akanakhoza kudzachita zimenezo. Panalibe aliyense woyenera wokhoza kuchita zimenezo. Palibe mmodzi aliyense akanakhoza kuchita

zimenezo koma Iye, ndipo Iye anachita zimenezo. Ndiyeno pamene Moyo umenewo unatulutsidwa kuchoka mthupi limenero, Munthu, amene anali Mwana wa Mulungu; Mphamvu Yake yolenga inapanga chimango, monga womanga aliyense, anamanga chimango chimene Iye anadzalowamo, Iyemwini. Mulungu anachita zimenezo.

⁴⁰ Ndiyeno pamene moyo umenewo unachotsedwapo, Magaziwo, madzi a Iwo, nutsanulidwira pa nthaka, chimodzimodzi monga Abele anatsanulira pansi pa nthaka. Koma kuchokera m'Magazi amenewo munadzatulukamo Mzimu Woyerwa wa Mulungu, ndipo umenewo unatumizidwa kwa munthu pa Tsiku la Pentekoste, kuti ukazindikiritsidwe ndi Nsembe imene inawafera iwo. Palibe njira ina iliyonse pa dziko lapansi imene ife tingapezere izo. Chizindikiro chenicheni!

⁴¹ Taonani, ngati inu mutakhala ndi mlandu wa imfa, ndipo inu nkumadziwa kuti mukupita kukaphedwa ndi magetsi. Ndipo kumbukirani, kukana...

⁴² Dallas, mvetsnerani! Kuwakana Magazi a Yesu Khristu, Chizindikiro cha Magazi Ake, ngati iwe uwawona Iwo ndipo nkuwakana Iwo, iwe udzakakumana ndi Chiweruzo ndi Magazi Ake ali mmanja mwako. Wochimwa, membala wa mpingo, uzikumbukira zimenezo.

⁴³ Bwanji ngati Lee Oswald akanakhala kuti zinachitika, masiku pang'ono aja, ndi kutuluka thukuta kuja pamaso pa Khothi la Supreme lija limene iye ankayenera kukakumana nalo; ndipo amadziwa, chifukwa chomupha Purezidenti, sipakanakhala ngakhale kadontho kamodzi ka chifundo, momwe munthu ameneyo akanamverera! Icho chikuyenera kuti chinali chinthu chowopsya. Iye sanafike pokakumana nacho icho, chifukwa munthu winayo anamuwombera iye. Koma taganizani za kukhala pamene po pamaso pa Supreme Khothi yokwiya, uli ndi magazi a munthu mzako mdzanja mwako, Purezidenti wa United States! Chimenecho chidzakhala chinthu chopepuka, kwa anthu inu amene mumalambalala Magazi a Yesu Khristu, pamene inu mudzaime pa makhothi a Mulungu. Kukhetsa thukuta pamene inu mukudziwa. Oswaldakanakhoza kuchitira mwina koma kuchoka mmoyo uno chifukwa cha iye, koma Mulungu adzakuchotsani inu Kwamuyaya kukuchotsani mu Kukhalapo Kwake. Icho chidzakhala chinthu chowopsya. Zindikirani.

⁴⁴ Ngati inu mutati mukubwera ku mabwalo a milandu, chifukwa chokhala wolakwa, inu mungafune woimira mlandu wabwino amene inu mungathe kumupeza. Aliyense angachite zimenezo.

⁴⁵ Ndipo munthu aliyense wobadwa mdziko, ine sindikusamala kuti anachokera khomo labwino bwanji, iye ndi wolakwira Magazi a Yesu Khristu kufikira iye atavomereza chikhululukiro

cha izo. Ndipo njira yokhayo imene iwe umadziwira kuti chikhululukirocho chiri bwino, ndi pamene Chizindikiro chiziika Chokha pa iwe, ndipo iwe nkukhala ndi Chizindikiro.

⁴⁶ Zindikirani, inu muli ndi mlandu, ndipo inu mungasakesake woimira mlandu wabwino amene inu mungathe kumupeza kuti akachonderere mlandu wanuwo. Ndipo ngati ine nditati ndikupita ku Chiweruzo cha Mulungu, ine sindingafune wansembe, ine sindingafune munthu; Ine ndingafune woimira mlandu wabwino amene ine ndingamupeza kuti akachonderere mlandu wangawo.

⁴⁷ Mundilole ine ndinene ichi, kwa inu, mzanga wa Chikhristu. Woimira mlandu wathu ndi woweruza wathunso, ndipo wathu—woweruza mlandu wathu anadzakhala woimira mlandu wathu. Mlanduwo umatha pamene ife tivomereza chikhululukiro Chake. Woweruza Iyemwini anadzabwera ndipo anadzakhala woimira mlandu, ndipo woimira mlandu ndi woweruza mlandu ndi Munthu yemwe yemwego. Mulungu anadzakhala munthu, kuti Iye adzakhoze kumulungamitsa munthu ndi imfa Yake Yomwe imene Iye anaiyika pa iye. Aleluya! Izo zikutanthauza, Mulungu wathu alemekezeke! Iye akuyenera matamando onse. Woweruza wathu ndi wotiimira mlandu wathu ndi Munthu yemwe yemwego.

⁴⁸ Mzimu Woyerwa ndi Chizindikiro kuti ife takhululukidwa. Mlandu watsekedwa. Kwa mwamuna aliyense ndi mkazi amene walandira moonadi ubatizo wa Mzimu Woyerwa, iye wayesedwa, iye wazindikirtsidwa ndi woimira mlandu wake, ndi woweruza wake, ndi nsembe yake, ndipo Chizindikiro chimene iye ali nacho chikuwonetsera kuti ulendo wake walipidwa mpaka ku Ulemelero. Amen. Izo zonse zatha. Iye ali ndi Chizindikiro chimenecho. Ichu ndi chake, ubatizo wa Mzimu Woyerwa, umene uli umboni wa chiukitsiro cha Yesu. Amen. Kodi inu mukukhulupirira zimenezo? [Osonkhana akuti, “Ameni.”—Mkonzi]. Chimenecho ndicho chokuzindikirtsani chanu, inu mwagwirizira Chizindikiro.

⁴⁹ Tsopano ngati inu mulibe Chizindikiro chimenecho, inu simudzalowa mcati. Inu mukuyenera kukhala ndi Chizindikiro. Umenewo ndiye mtengo wofunikira, “Pamene Ine ndiwona magazi, magazi ndi chizindikiro. Pamene Ine ndiwona magazi, Ine ndidzadutsa pa inu.” Inu mukuyenera kukhala ndi Chizindikiro. Ngati simutero, bwanji, inu simudzapitako. Inu mukuyenera kukhala nacho Chizindikiro.

⁵⁰ Ngati chizindikiro sichiwonetsedwa, chizindikiro chikapanda kuwonetsedwa kumusi kumeneko, ngakhalenso panganolo limakhala lopanda ntchito. Inu mukuti, “Chabwino, tsopano, M’bale Branham, tsopano dikirani miniti chabe.” Ndiko kulondola ndendende.

⁵¹ Chizindikiro chimakhala pamwamba pa pangano. Pakuti Israeli anali ndi pangano kuti azidulidwa, ndipo Myuda aliyense amatha kupita kunja ndikukamuwonetsa munthu aliyense, “Ine ndikhoza kutsimikizira kwa iwe kuti ine ndinadulidwa, ine ndi Myuda, ine ndinadulidwa molingana ndi kulamula kwa Yehova,” komabe zimenezo sizimamuchotsa iye ngati chizindikiro nachonso panalibepo pamenepo. Iye akuyenera kuwonetsera chizindikiro. Kodi inu mukumvetsa zimenezo? [Osonkhana akuti, “Ameni.”—Mkonzi]. Iye... Chizindikiro chikuyenera kukhala pamenepo, mulimonse. Ndipo ngati iwe uli mu pangano... Ngati Myuda aliyense anena, “Ine sindikuika magazi aliwonse pa chitseko panga, ine ndikhoza kutsimikizira kuti ine ndi Myuda wa pangano,” Mngelo wa imfa amamupeza iye. Zinalibe kanthu momwe iye analiri wokhulupirika, iye anali membala wa mpingo mochuluka bwanji, ndi zakhumi zochuluka bwanji zomwe iye amapereka, momwe iye ankanenera kuti iye amakhulupirira Yehova; Yehova ankafuna chizindikiro chimenecho.

⁵² Ndipo Iye akuchita izo lero, aponso. Izo zikuyenera kutero. Izo zikuyenera kukhala, “Pakuti palibe njira ina pansi pa Kumwamba, palibe dzina lina linaperekedwa mwanjira ina,” ziribe kanthu ndiwe wabwino bwanji, wokhulupirika bwanji. Chizindikiro chimenecho chikuyenera kukhala pamenepo, ndipo chiziwonetsedwa.

⁵³ “Magazi,” inu mukuti, “chabwino, ine ndinapha mwanawankhosa ndipo ine ndinamuika iye mu mtsuko. Ine ndaika iwo kumbuyo kuno.” Zimenezo si zimene Iye ananena. Iwo akuyenera kukhala pa mphuthu ya chitseko. Iwo akuyenera aziwonetsedwa.

⁵⁴ Ndipo moyo wanu ukuyenera kuwonetsera kuti Chizindikiro chiri mwa inu. Oh, inu Apentekoste, vuto lanu ndi chiyani? Tsitsi lometa, nkhope zopentedwa, mwamuna, nthabwala zoipa ndi zinthu, kuli pati kuwonetedwa kwa Magazi a Ambuye wanga Yesu Khristu Chizindikiro cha Mzimu Woyera? Inu, muli nawo mawonekedwe a umulungu, ndi kumautchula “ufiti” ndi china chirichonse, kuti ndi ntchito za Mulungu, “ufiti.” Inu mukuwonetsera bwanji chizindikirocho?

⁵⁵ Iwo amati, “Ndine wa Pente-...” Ine sindikusamala chimene inu muli. “Ndine wa Baptisti. Ndine wa Pres-...” Ine sindikusamala chimene inu muli. Chizindikiro chimenecho chikuyenera kukhala pamenepo. Mulungu akuchifuna Ich, ndipo osati china chirichonse koma icho.

⁵⁶ Inu mukuti, “Chabwino, ine ndiri ndi ya udokotala.” Ine sindikusamala kuti ndi madigri angati amene inu muli nawo. Mulungu akufuna Chizindikiro chimenecho, ndipo Ichokha. Ich ndi chisonyezo kuti njira yanu yalipidwa. Iye sadzatenga

zitepala zanuzo kapena china chirichonsecho. Iye akuyenera kukhala ndi Chizindikiro chimenecho.

⁵⁷ Woyendetsa basi akuti, “Apa, dikirani miniti, chimenecho si chizindikiro changa.”

⁵⁸ Munthu wa mu ndege akuti, “Chabwino, inu mupite kunja kumeneko tsopano.” Tikiti ndicho chizindikiro. Inu mukapita kunja uko tsopano ndi kukamuza woyendetsa ndege, “Eni, ine ndikufuna ndikwere ndege yanu. Iyo ndi bwanji?”

“Lowani ndipo mutulutse chizindikiro chanu.”

“Oh, ine ndikulipirani inu.”

⁵⁹ “Ine sindingathe kutenga izo. Inu simukwera mu ndege yanga muno mpaka inu mutualipira mtengo wake ndipo mukatenge chizindikiro. Ine ndikufuna chizindikirocho.”

Inu mukuti, “Chabwino, ine ndinapita ku sukulu. Ine ndinakachita *izi*. Ine . . .”

⁶⁰ Ine sindikusamala zimene inu munachita, inu mukuyenera kukhala ndi Chizindikiro kapena inu simukwera. Ameni ndi ameni. Kodi inu simukutha kuwona izo? Mulungu amafuna Chizindikiro chimenecho. “Pamene Ine ndiwona magazi, ndipo ndi pokhapo pamene Ine ndidzadutse pa inu pamene Ine ndiwona chizindikiro.”

⁶¹ Icho chikakhala kuti sichinawonet sedwe, panganolo limakhala lopanda ntchito nkomwe. Myuda mwamtheradi akanatha kunena ndi kudzitsimikizira yekha kuti ndi—Myuda wodulidwa, iye akanatha kuwatulutsa panja abale ndikuti, “Taonani apa, ine ndi wodulidwa.” Chimenecho sichimatanthauza chinthu chimodzi.

⁶² Inu mukuti, “Ndine wa Methodisti. Ndine wa Baptisti. Ndine wa Pentekoste. Ndine *ichi*. Ndine *icho*.” Zimenezo sizikutanthauza chinthu chimodzi.

⁶³ Inu mukuyenera kukhala ndi Chizindikiro. Ndipo pamene Chizindikiro chibwera, Icho chimachitira umboni za Khristu. Iye anati Icho chikanadzatero. Ndipo Khristu ndi Mawu. Ndipo inu mungakane bwanji kuti Baibulo ndi loona, gawo la Ilo, ndipo nkumanenabe kuti inu muli ndi Chizindikiro, pamene Chizindikiro ndi umboni wa Yesu Khristu? Mwaona, pamene ndi pamene pali chimene ine ndimachidabwa.

⁶⁴ “Oh,” mukuti, “Ine sindimakhulupirira, ine ndimakhulupirira kuti masiku a zozizwitsa . . .” Oh, taonani apo, palibepo Chizindikiro pamene po. Chizindikiro chimavomereza Mawu aliwонse ndi “ameni,” chirichonse, chifukwa ndi Mulungu Iyemwini. Mukuona? Chabwino.

⁶⁵ Koma ngati chizindikiro sichiri pamene po, panganolo limakhala lopanda ntchito. Ilo limathet sedwapo. Chimodzimodzi ndi lero! Ziribe kanthu motani—munena

mochuluka bwanji, munganene mochuluka bwanji, "Ine ndimakhulupirira Mawu aliwonse mu Baibulo," mukuti, "M'bale Branham, ine—ine ndikhoza kukuwerengerani inu mobwereza theka la Baibulo limenelo, Baibulo lonselo, pa mtima. Ine ndimakhulupirira chidutswa chirichonse cha Ilo." Izo nzabwino. Satana amatero, nayenso. Uh-huh. Izo zimatengera Chizindikiro!

⁶⁶ "Chabwino, M'bale Branham, ine khoma langa ndi lozadza ndi madigirii. Ndine wa Bachelor of Art, ndipo ndiri ndi digirii ya udukotala, ndi LLD. ya Latin. Ndipo, oh, ine ndinalemba mabukhu. Ine ndachita izi. Ine ndachita chirichonse. Ine ndiri—ine ndachita zinthu zonsezii." Ine sindikusamala. Izo ndi zabwino, komabe inu mukuyenera kukhala ndi Chizindikiro. Chizindikiro, komabe Chizindikiro chikufunikira!

⁶⁷ Inu mukuti, "Ndine wophunzira wa Baibulo. Ndine—ndine munthu wabwino. Ndine *ichi, icho.*" Zimenezo zikhoza kukhala zabwino, zonsezoo ndi zabwino, komabe izo zikuyenera kukhala ndi Chizindikiro!

⁶⁸ Tsopano, imfa inali yokonzeka kukantha Igupto nthawi iliyonse, ndipo chomwechonso imfa ndi yokonzeka kukantha fukoli tsopano pa nthawi iliyonse.

⁶⁹ Anna Jeanne, ine ndikumverera chinachake ngati bambo ako, ananena ndemanga nthawi ina. Ine nthawizonse ndamaikonda iyo. Iye anati, "Inu mukudziwa, fuko lino, ndi machimo omwewo, ngati Mulungu angamusiye America kuti azipitirira ndi zimene iye akuchita, Iye adzakhala mwachikhaldwe wokakamizidwa kuti amudzutse Sodomu ndi Gomorra ndi kuwapepesa iwo, chifukwa chowawotcha iwo." Ndipo uko nkulondola.

⁷⁰ Kumbukirani, Israeli analipira chifukwa cha tchimo lirilonse limene iye analichita, ndipo chimodzimodzinso ife. Ife tikukhala molekerera bwanji? Mangitsani zida! Bwererani kwa Mulungu, mpingo! Sindikunena zinthu izi kuti ndikhale wosiyana. Ine ndikukuuzani inu ngati chenjezo. Inu mukhulupirire!

⁷¹ Imfa inali pafupi kuti ikanthe. Mulungu anali atawawonetsera iwo chisomo Chake ndi chifundo Chake, kudzera mu mphamvu ndi zizindikiro ndi zodabwitsa (chomwechonso Iye wachita lero asanawuchotse Mpingo), komabe iwo anakhumba kuti asalape ndi kukhulupirira uthenga.

⁷² Mwaona, panali uthenga mpingo usanachotsedwe. Payenera nthawizonse kukhala. Chimodzimodzinso tsopano. Chochitika chauzimu chirichonse ndi chisonyezo chochokera kwa Mulungu. Kodi inu mukhulupirira zimenezo? [Osonkhana akuti, "Ameni."—Mkonzi]. Monga Uthenga, pamakhala chizindikiro ndipo kenako Uthenga umatsatira chizindikiro. Mulungu

anamuza Mose, anati, "Ngati iwo sakakhulupirira liwu la chizindikiro choyamba, mwinamwake iwo akakhulupirira liwu la chizindikiro chachiwiri."

⁷³ Tsopano, pamene inu muwona zizindikiro zikuchitika, ndipo opanda uthenga kuseri kwake, basi sukulu yakale yomwe ija ya fioleoje mpaka mmusi, zimenezo sizikuchokera kwa Mulungu. Koma kumene kukuwonetsedwa chizindikiro, Uthenga umatsatira icho. Tsopano taonani. Yesu anabwera powonekera...

⁷⁴ Kodi ine ndikukugonthetsani inu? Kapena aliyense amene ali pa maikrofoni apa, zikumveka ngati izo zikubwerera. Mwinamwake iyo ikufuula pang'ono. Ine ndikufuna kuti inu mumvetse izo.

⁷⁵ Pamene Yesu anabwera powonekera, Iye sanayankhule zochuluka kwambiri kwa anthu, aliyense ankamufuna Iye mu mpingo wake. "Oh, Mneneri wamng'ono uyu, ndife okondwa basi kukhala ndi Iye." Iye amachirtsia odwala. "Oh, ulemelero kwa Mulungu. Mulungu wadzutsa Munthu wopambana pakati pathu." Izo zinali zabwino. Chotero tsiku lina zinafika pamalo pamene...Chimenecho chinali chizindikiro Chake.

⁷⁶ Yesaya 35 anati icho chikanadzakhala chizindikiro. "Olumala adzalumpha ngati mbawala," ndi zina zotero, "akhungu adzapenya." Ichonatali chizindikiro.

⁷⁷ Iye anawonetsera chizindikiro Chake ngati Mesiya, ndi zina zotero. Ndipo iwo, ambiri a iwo, anati, "Inde, ine ndikhoza kutsatira zimenezo." Chabwino, tsopano, ngati chimenecho chinali chizindikiro, pakuyenera kukhala liwu la chizindikiro chimenecho. Kodi liwu la kuseri kwake linali chiyani? Pamene Iye anayamba kuphunzitsa chiphunzitso Chake ndi kuwatcha iwo mulu wa njoka mu udzu. Iye sanakhalenso wotchuka kuyambira pameneopo, mwaona, pamene liwu linabwera ndi chizindikiro. Chizindikiro chinapita moyambirira.

⁷⁸ Mose anapita kumusi ku Igupto ndi chizindikiro. Ndipo iye anaponyera pansi ndodo yake, inasanduka njoka. Chimenecho chinali chizidikiro. Koma patapita kanthawi, liwu linadzabwera ndi chizindikiro. Zitatero izo zinali zosiyana. Mwaona, iwo samafuna zimenezo. Li-liwu, liyenera kukhala, kutsatira chizindikiro. Ndipo palibe nthawi iliyonse icho chikanabwerera koma nthawi imeneyo, chifukwa iyo inali nthawi yoti Malemba akwanirtsidwe. Taonani chimene Iye anamuza iye, mu chitsamba chonyeka, "Ine ndawona kubuula ndipo ndamva za anthu Anga, ndipo ndawona kuzunzika kwavo ndi owagwiritsa ntchito aku Igupto, ndipo Ine ndakumbukira lonjezo Langa limene ine ndinapanga ndi Abrahamu." Zaka foro handiredi zinali zitatha, ndipo Iye anamuza Abrahamu iwo akanadzakhala kumusi kumeneko. Mwaona, izo sizikanakhala

pa nthawi iliyonse. Mose ankayenera kubwera basi pa nthawi imeneyo.

⁷⁹ Wotchi ya Mulungu yaikulu imasuntha mwangwiyo. Iyo siingathamange ndi miniti imodzi kapena kuchedwa ndi miniti imodzi. Iyo idzakhala ndendende bsasi pa nthawi. Chabwino, chotero, inu mwaona, chirichonse chimangoyenda molondola basi, sakanabwera pa nthawi ina.

⁸⁰ Ngakhalenso zinthu izi sizikanabwera pa nthawi ina. Izi sizikanabwera mu masiku a Lutera. Izi sizikanayenera kubwera mu masiku a Wesile. Masiku a Baptisti kapena Methodisti, mmasiku awo, izo sizikanabwera. Izo zikuyenera kubwera tsopano. Israeli akuyenera kukhala fuko. Matchalitchi akuyenera kukhala monga mmene iwo aliri tsopano. Panayenera kukhala uthenga wachitatu, m'badwo wa mpingo wachitatu. Panayenera kukhala Laodikaya. Iwo sukanapangika kufikira Pentekoste atabwera ndikumalizitsa zawo zonse, ndipo napita ndipo nakapanga bungwe, ndipo nakachita zomwe iwo anachita. Ndiye iwo ukuyenera kubwera, ndiye anabwera Ambuye, pamene iwo anamutulutsira Iye kunja kwa tchalitchi. Iye ndi Mawu.

⁸¹ Iwo amachita mantha kuti atsutsane nawo Mawu amenewo kulikonseko. Iwo amakhala chete kwambiri za Iwo, komabe iwo amakangana zokhudza izo.

⁸² Chicago, kuno osati kale kwambiri, pamene Ambuye anandipatsa ine masomphenya. Ine ndinali ndi atumiki firii handiredi kumusi kumeneko. Ine ndinati, “Tsopano ine ndikudziwa chimene inu... Zokhudza mbewu ya serpenti, ndi zina zotero,” Ine ndinati, “mmodzi wa inu atenge Baibulo lake ndipo abwere adzaime pambali panga ndipo adzatsutse izo.” Gulu lofatsitsitsa limene inu munayamba mwalimvapo. Ine ndinati, “Ndiye musamandilondelonde.” Mwaona, izo ndi zochokera ku masukulu awo akuganiza.

⁸³ Komabe, iwo amati, “M'bale Branham ndi mneneri pamene iye wadzozedwa, koma pamene kudzoza kwachoka pa iye, oh, ine sindikudziwa.” Ndi chiyani... Ngati izo si chilemba cha a—a—a fioloje yobalalika! Kumene...

⁸⁴ Mawu akuti *mneneri* amatanthauza “wovumbulutsa Wauzimu wa Mawu.” Mawu a Ambuye amadza kwa aneneri. Umo ndi mmene Yesu anazindikiritsidwira. Ndipo iwo ananena chitachitika chiukitsiro, iwo anati, “Ife tikudziwa Iye anali mneneri wa Mulungu, mwaona, palibe munthu angachite zinthu zimenezi pokhapokha Mulungu atakhala ndi iye,” ndiye sanalandire uthenga Wake. Iwo sanathe kumulandira Yohane, ndipo iye anali mneneri. Sakanamulandira Eliya, palibe ena onse a iwo, ndipo iwo amakhala ndi vumbulutso Lauzimu.

⁸⁵ Mawu, mawu a Chingerezi, *mneneri*, mawu a Chingerezi akhoza kutanthauza chirichonse, iwo amatanthauza “mlaliki.”

Koma pamene inu mukuti *mneneri*, wa Baibulo lakale, izo zimatanthauza “mpenyi.” Ndipo zomuyenereza zake zinali, kuti, zimene iye amanena zimachitika, ndipo icho chinali chizindikiro kuti iye anali *mneneri*; iyenso chinali chizindikiro kuti iye anali ndi vumbulutso Lauzimu la Mawu olembedwa. Ndipo kenako Mulungu nkumatsimikizira izo, kumbuyo kwake, amatsimikizira izo.

⁸⁶ Motani? Chabwino, izo zikuyenera basi kuti zikhale mwanjira iyi, ndizo zonse. Palibe njira yozungulira pa izo. Mulungu anati izo zikanadzakhala mwa njira imeneyo, ndipo ndi inu pamene. Koma ndi zimenezotu lero, mwaona, Chizindikiro chimenecho chikuyenera kukhala pamene, icho chimawazindikiritsa Mawu amenewo ndipo chimawapanga iwo kukhala owona ndendende. Ndiye momwe Iye analonjezera, momwe Iye anawakonzekeretsera anthu Ake onse a dziko lolonjezedwa, tsopano, pamene Iye amapita kuti akakhale ndi kutuluka uku, kumene kunali choimira.

⁸⁷ Tsopano ine ndiyesetsa kuti tituluke pofika maminiti ena fifitini, twente, ndi Uthenga. Zindikirani mwatcheru tsopano, ine ndikufuna kuti inu mumvetse izi, chifukwa ine mwina sindidzakuwonaminso inu kenanso, mwaona.

Zindikirani, tsopano penyani momwe Iye anawakonzekeretsa anthu Ake.

⁸⁸ Ndi angati amadziwa kuti Iye samasinta njira Zake? Iye samatero nkomwe. [Osonkhana akuti, “Ameni.”—Mkonzi]. Iye ali...tsopano muwone kudutsa mu Baibulo ndipo muwone ngati Iye analisinthapo ilo. Ayi, bwana.

⁸⁹ Iye anawakonzekeretsa chotani anthu? Poyamba, Iye anatuma *mneneri* ndi chizindikiro, amene anali Mose. Nkulondola uko? [Osonkhana ati, “Ameni.”—Mkonzi]. Ndipo chizindikirocho chinali ndi uthenga, uthenga wakuti “akhale okonzeka,” iwo anali akutuluka kupita ku dziko limene linalonjezedwa. Ndiye Iye anali ndi kuzindikiritsa, kwa *mneneri* ameneyu, kuti Kuwala kunali pamwamba pa iye. Lawi la Moto limamutsatira *mneneri* ameneyu, ife tikudziwa zimenezo, tinadutsa mchipululu ndi Mose. Ife tikuzindikira zimenezo. Ndipo kenako Iye anawapatsa iwo chizindikiro cha chitsimikiziro kuti iwo asamakhale ndi mantha, kubalalika ndi manjenje; pamene Iye anati, “Pamene Ine ndiwona chizindikiro chimenecho, Ine ndidzadutsa pa inu.”

⁹⁰ Penyani momwe Iye anachitira tsopano. Iye anakonza poyamba chizindikiro, mtumiki, uthenga wozindikiritsidwa, kuzindikiritsidwa kwa mtumiki, ndi chizindikiro ngati chitsimikizo kuti njira yalipiridwa. Iwo alunjika wopita ku dziko lolonjezedwa.

⁹¹ Chinthu chomwecho Iye wachita lero! Kodi Iye anachita chiyani? Iye anatitumizira ife Mzimu Woyer. Mzimu Woyer

ndi Mthenga, ndipo kuzindikiritsa kwa Mwamalemba kwa Iyemwini kumamuzindikiritsa Iye pakati pathu, yemweyo dzulo, lero, ndi kwa nthawizonse. Ndipo Chizindikiro ndi chitsimikiziro. Kodi ife tikuchita mantha ndi chiyani? Mtengo wathu unalipiridwa kale ndipo ife tikuzindikiritsidwa ndi Nsembe yathu. Iye sangakukhumudwitseni inu. Iye analonjeza zimenezo. Ife tikuzindikiritsidwa.

⁹² Israeli akutuluka kuchokera mu Igupto, monga ine ndinanenera, ziri ngati a—Mkwatibwi akutuluka kuchokera mu mpingo. Pamene Mose anayamba utumiki wake, Israeli yense anasonkhana pamodzi ku Gosheni, kuti apemphere ndi kupembedza, ndendende, anabwera kuchokera mmagawo onse a Igupto. Umo ndi momwe adzachitire Mkwatibwi, iye adzachokera mwa onse a Oneness, Twoness, Threeness, ndi mitundu ina yonse. Iye adzatuluka. Iye akuyenera kutero. Tsopano ife tikuwerenga apa mu Ahebri... Ife tsopano, chinthu choyamba chimene ife tikuyenera kuchiganizira, anabwera kuchokera ku magawo onse, “Anabwera kuchokera pakati pa kusakhulupirira.” Tsopano Mzimu Woyeru unalonjeza kuti udzawaitana iwo mmasiku otsiriza, “Tulukani pakati pa osakhulupirira.” Zindikirani.

⁹³ Ife tikupeza mu Ahebri 10:26, ine ndalemba apa, ilo likunena ichi, “Ngati ife tichimwa mwadala titalandira chidziwitso cha Choonadi, palibepo nsembe ya tchimo,” mwaona, ngati inu simukhulupirira mwadala.

⁹⁴ Tsopano ngati inu mungazindikire, chimene ine ndinganene apa, ngati inu mungandisungire ine mphindi kufikira ine ndipange kufotokoza kumeneko. Ine ndikukhoza kumverera mu Mzimu, sizinapite bwino. Mukuona? Zindikirani.

⁹⁵ Apa pali Ahebri, iwo ali pa njira yaho akutuluka. Mulungu anasankha amuna thwelofu, kapena Mose anatero, ndi dzanja la Mulungu, kuti apite kumeneko ndi kukazonda dzikolo; ndipo anabwererako, anabweretsa chizindikiro cha dzikolo. Ndipo pamene iwo anakafika kumeneko, khumi a iwo anachita mantha pafupi kufa. “Bwanji,” iwo anati, “a Amaleki amenewo uko, ife tikuwoneka ngati ziwala kwa iwo.” Yoswa ndi Kalebu anabwererako, anabweretsa umboni, “Ife tikhoza kuchita izo!”

⁹⁶ Inu mwaona, amenewo ndi okhulupirira a mmalire. Iwo anadutsa mu zinthu zosiyanasiyana izi, ndipo anadutsa mu mpingo, ndi kujowina mpingo, ndi maubatizo ndi maonekedwe. Koma pamene zinadzafika poti awoloke kuti akalandire Chizindikiro, umboni kuti Dzikolo liripo, Moyo uja... Yesu Khristu sali wakufa. Ilo ndi dera lina. Iye akukhala mmenemo. Iye ali ndi ife, Iye tsopano ali mwa ife. Pamene izo zinafika kumeneko, “ah,” iwo sanathe kukhulupirira izo. Izo zinali zowakulira, inu mwaona. Ndipo iwo anabwererako, ndipo iwo, mmodzi aliyense, anafera mu chipululu, palibe mmodzi wa iwo

anawolokako. Ndipo, mwaona, ngati ife sitikhulupirira, ife a Methodisti, Baptisti, Presbateria!

⁹⁷ Ine ndikuyembekeza mphunzitsi wanga wakale wakhala pano lero. Doctor Roy E. Davis, ambiri a inu mukumudziwa iye, komwe kuno ku Fort Worth, iye mwinamwake wakhala muno. Ine ndikukumbukira ife tinakambirana zinthu izi, zaka, zambiri mbiri zapitazo. Iye anandibatiza ine mu chikhulupiriro, wa mpingo wa Missionary Baptist.

⁹⁸ Ndipo taonani, kuno, tsopano, ngati ife...ngati—ngati ife tingabwere ku dziko lamalire limenero, nkuti, “Chabwino, ulemelero kwa Mulungu, ine ndinayankhula mmalirime, aleluya.” Izo si zimenezo. Ngati inu mungati, osakhulupirira aliwonse a Mawu amenewo, pali chinachake cholakwika ndi chokuchitikirani chanu. Mukuona?

⁹⁹ Inu munabwera kudzafika ku Dzikolo ndipo munawona kuti ilo liripo. Inu mwawona kuti Yesu wauka. Iye ali pakati pathu. Inu mukuwamva Mawu amene akutsatira uthenga, ndipo komabe simukuwakhulupirira Iwo, inu mukudziwa chimene chimachitika? Ndiye iwo anafera mu chipululu momwemo. “Ngati ife tichimwa mwadala titatha kulandira chidziwitso cha Choonadi, apo sipamatsalanso nsembe ya tchimo.” Ichu ndi chimene Bukhu la Ahebri limatiuza ife.

¹⁰⁰ Ndipo tsopano penyani, pamene ife tikuwona zizindikiro zopambana zakumapeto za dziko lapansi, zimene Iye analonjeza, ndi mochuluka bwanji momwe izo zikutichenjezera ife kuti nthawi yayandikira. Musiye kusakhulupirira. Bwerani pamodzi. Ife tikuyenera tizikondana wina ndi mzake ndi kukhulupirira, ndikudzilekanitsa tokha kwa dziko.

¹⁰¹ Zindikirani, iwo samangoyenera kuti azibwera pamodzi ndi kumadzayankhula za uthenga. Iwo ankayenera kuti azilowa mwa iwo, azikhala pansi pa magazi. Osati kubwera ndikudzati, “Inu mukudziwa, Mose anatiuza ife. Mthenga, iye anati, iye anatiuza ife kuti ife tikhale ndi magazi. Inu mukuganiza chiyani za izo, anyamata?” Sizinali zimenezo. Kupha mwanawankhosa, ndi kuika magazi pamwamba apo!

¹⁰² Ife tikhaza kubwera ndi kudzakhala pansi ndi kugwirizana ndi Mawu, ndi china chirichonse, koma osakhala ndi Chizindikiro chimenecho, izo zitichitira ife ubwino wanji? Palibe chabwino. Khalani pansi pa Iwo. Iye analibe choyankhira pa aliyense yemwe sanali pansi pa magazi amenewo. Ndipo Iye alibe choyankhira pa wina aliyense, lero, yemwe sali pansi pa Chizindikiro.

¹⁰³ Banja lonselo, limakhala kokha lotetezeka pamene iwo akhala pansi pa chizindikiro, ndipo chizindikirocho chikamawonet sedwa. Banja lonselo! Kodi inu mukhulupirira zimenezo? [Osonkhana akuti, “Ameni.”—Mkonzi]. Lero ife tikuyenera kukumbukira zimenezo, anthunu. Ana athu!

¹⁰⁴ Ndipo usinkhu wa mzaka za mmatini wa zamkutu uwu ndi gwedemula, ndi zinthu zimene ife tikudutsamo, ndi zonse za ma Beatles izi kuno ndi michezo, ndipo kodi inu mukudziwa kuti zonsezi zikuimiridwa kuno mu Bukhu, la Baibulo? Ilo limanena zimenezo mu Chivumbulutso. Ndithudi, ilo limatero. Momwe anthu, iwo, iwo ali—iwo ali...iwo, iwo, mwaona, iwo, iwo siali...Iwo ndi akufa. Iwo sangathe kuuka. Iwo sanali a Muyaya nkomwe. Iwo sanali nkomwe mu Maganizo, chotero iwo adzawonongedwa. Iwo adzathedwa kwanthawizonse, adzathetsedwa kwathunthu. Iwo adzalangidwa kwa manusu a nthawi, chifukwa cha zimene iwo anachita, koma chirichonse chimene chinali ndi chiyambi chimakhala ndi mathero.

¹⁰⁵ Ndi icho chimene chiribe chiyambi, chimene chiribe mathero. Alipo mawonekedwe amodzi okha a Moyo Wamuyaya. Mawonekedwe amodzi okha a Moyo Wamuyaya, ife timamenyera umenewo. Zindikirani.

¹⁰⁶ Yoswa, mutu wa 2 wa Yoswa, hule Wamitundu wokhulupirira anali atamva, ndi banja lake, ndipo anawabweretsa iwo pansi pa chingwe choifiira, chimene chinali chizindikiro kuchokera kwa amthenga a Yoswa. Mngelo wa Mulungu wowononga analemekeza chizindikiro chimenecho, ndipo icho chokha, mu mzinda umenewo. Apo panali chofuna cha Mulungu, ndi antchito Ake, kuti Mulungu ankafuna chizindikiro ichi, ndipo icho chinali chokhacho. Ine sindikusamala kaya iye anali meya wa mzinda, kaya iye anali munthu woyeretsetsa wa mzindawo, kaya iwo ankapita ku tchalitchi chachikulu kwambiri mu mzindawo, chirichonse mu mzindawo chinagwa kupatula nyumba imeneyo. Mulungu, yekha, analemekeza chizindikiro chimenecho.

¹⁰⁷ Zindikirani, Yeriko anali atamva kuti Mulungu anali kuchita zinthu zazikulu, koma iwo sanamvere chenjezolo.

¹⁰⁸ Chomwechonso anthu lero akumva zimene Mulungu wakhala akuchita kwa zaka zingapo zapitazi, koma iwo sakumvera kwa izo. Mphamu yaikulu iyi ya chisomo ndi zizindikiro, monga Iye analonjezera, “monga izo zinaliri mmasiku a Sodomu, chomwechonso izo zidzakhala.” Momwe Iye analonjezera kuti chinthu chimenecho chikanadzakhala! Penyani chimene chinachitika ku Sodomu. Kumbukirani, pamene po panali chizindikiro cha Sodomu. Koma mthenga, wa Malaki 4, akuyenera kuti “atengere mitima ya anthu kubwerera kwa atate, atate apa pentekoste, kubwerera ku Baibulo.” Sipangakhalenso Baibulo, china chakenso. Ili ndiro vumbulutso lonse la Mulungu.

¹⁰⁹ Ndipo winawake akuti, “Chabwino, ine ndikukhulupirira gawo *ili*, ine sindikudziwa zokhudza Icho.”

¹¹⁰ Mthenga weniweni wa Mulungu amakutembuzirani inu kubwerera ku Chinthu chonsecho! Mukuona? Zindikirani,

ndicho chimene Mzimu Woyerwa umachita, kukubweretsani inu kubwerera ku Mawu aliwonse a Mulungu.

¹¹¹ Chisomo Chake chinali chitawonetseredwa, chiweruzo Chake chinali chotsatira. Iwo akuyenera kuti anakhulupirira kuti iwo anali otetezeaka mu nyumba zawo zazikulu za zipembedzo zimene iwo anali nazo uko mu Yeriko, koma iwo anapeza kuti izo sizinagwire ntchito.

¹¹² Pakuyenera kuti panali ena a...mwinamwake anapezeka kumeneko mwanjira ina, kunali anyamata angapo analowa kumeneko, ndipo anauzidwa kuti akasonkhanitse mbewu zokonzedweratu zonse pamodzi. Ndipo iye anapeza...ndipo iye anagwiritsa ntchito nyumba yake kukhala tchalitchi, ndipo anawalandira amthengawo; ndiyeno anawabweretsa onse mu mzinda wakewo, ameneakanakhulupirira, pansi pa chizindikirocho.

¹¹³ Mkazi mmodzi mu chuma chachikulu chonsecho! Mkazi mmodzi wamng'ono, ndipo iye wa mbiri yoipa, mwinamwake anachotsedwa ku mpingo uliwonse mu mzindawo, koma iye anankhulupirira wa mthenga ameneyo. Ndipo wa mthenga ameneyo anasiya chizindikiro, chisonyezo, ndipo Mulungu analemekeza chizindikiro. Chomwechonso izo ziri lero. Ingokumbukirani, pamene wowononga wa mkwiyo wa Mulungu anadzabwera, kachitidwe kakakulu kameneko kanagwa, chizindikiro chinatetezera nyumba yake. Osati chifukwa chakuti iye anali mkazi wabwino; chifukwa chakuti iye anali ndi chikhulupiro ndipo anaika chizindikiro.

¹¹⁴ Tsopano nanga bwanji ngati iye akanati, “Eya, amenewo anali amuna abwino, ine ndithudi ndinasangalala nawo uthenga umene iwo anapereka. Koma, moona mtima, izo zikumveka ngati zopusa kuti ndikhale ndi chingwe chimenecho chikulendewera kunja kwa zenera langa. Ine ndingochikokera icho mkati.” Iyo ikanagwa. Iyo ikanagwa. Mulungu amalemekeza chizindikiro chokha, chimodzimodzi monga moyo wa chizindikiro unali ku Igupto.

¹¹⁵ Yoswa anali choimira cha Yesu, chifukwa *Yoswa* amatanthauza “Yehova-mpulumutsi.” Iye anali woimira Yesu, anali woona ku chizindikiro cha chizindikiro cha mthenga wake amene analalikira. Yoswa anakhala woona kwa chisonyezo cha chizindikiro chimenecho. Onse amene anali pansi pa icho anapulumutsidwa, mu Igupto. Onse anali pansi pa icho anapulumutsidwa, mu Yeriko.

¹¹⁶ Magazi a Mwanawankhosa ndi choimira cha lero cha Chizindikiro, kuti Mzimu Woyerwa ndi Chizindikiro cha lero. Onse amene ali pansi pa Iwo ndi otetezeaka. Onse amene ali kunja kwa Iwo si otetezeaka. Mu Ahebri 13:10 ndi 20, Iye amatchedwa “pangano losatha.” Pangano lakale linali chinthu chimodzi, ichi ndi Chatsopano, ichi ndi “pangano losatha.”

¹¹⁷ Mulungu, malonjezo omangidwa ndi Magazi a Mulungu, amatipanga ife kukhala amfulu kwa tchimo ndi manyazi, ndi osiyana kwa dziko lonse. Inu simumasowa kuti muzivala mosiyana; aliyense akhoza kuvala mosiyana. Inu mukuyenera kukhala, mkatimo, wosiyana. Moyo uli mkatimo; osati mavalidwe, kuvala. “Ufumu wa Mulungu si nyama ndi chakumwa, kapena kuvala zovala; koma ndi kuleza mtima, ubwino, unjonda, kupirira, mwa Mzimu Woyer.”

¹¹⁸ Tsopano, malonjezo amapangitsa kuti ukhale mfulu kwa tchimo, kuwonetsera kuti Mulungu sanati—sanazindikire tchimo lako. Davide anati, “Wodala ndi munthu yemwe Mulungu sadzamuwerengera tchimo.” Ndipo Mulungu sadzawerengera tchimo pa Chizindikiro chimenecho, chifukwa Chizindikiro ndi chisonyezo cholipiridwa kuti Mulungu walandila kale icho. Ndipo inu muli ndi chizindikiro cha icho, mte-...chikhulupiriro chanu chagula icho. Ndipo inu muli ndi mtengo wogulira wa chiwombolo chanu mu thupi lanu, kuti mumpembedze Iye ndi kuwonetsera malonjezo Ake ndi mphamvu.

¹¹⁹ *Chipangano Chatsopano* chimatanthauza “pangano latsopano.” *Magazi* amatanthauza “Moyo.” Chipangano Chatsopano ndi chipangano cha Mzimu Woyer, Mzimu Woyer kumachitira umboni za chimene Yesu Khristu waukitsa kwa akufa, kuwonetsera kuti Yesu wakwaniritsa chofunkira chirichonse cha ife, ndipo ali moyo lero. Chizindikiro chimatsimikizira kuti Iye ali moyo kuti azizizindikiritsa Iyemwini ndi ife, molingana ndi lonjezo Lake. Tsopano zingatheke bwanji kuti munthu akuwerenga Baibulo ndipo akuwona kuti Iye analonjeza izo, ndipo akumuwona Khristu wabwerera mmasiku otsiriza ano mu mawonekedwe a Mzimu Woyer ndipo akuzizindikiritsa Iyemwini kuti alimoyo? Ndicho Chizindikiro. Ndicho chisonyezo. Umenewo ndiwo mtengo wolipiridwa.

¹²⁰ Musati, muzidalira konse pa zogirigisha zinazake. “Ine ndinamverera kuzizira kukuyenderera pa nsana wanga. Ndipo—ndipo ine—ine ndinanunkhiza chinachake; ndinawona magazi ena mmanja anga, kapena mafuta ena. Kapena—kapena, ine ndinapeza Bachelor Digrii yanga. Kapena, ine ndinavina mu Mzimu. Ine ndinafuula. Ine ndinayankhula mu malirime.” Zinthu zimenezo zikhoza kukhala zabwino. Ine ndiribe kalikonse kotsutsa izo, koma izo sindizo zimene ine ndikuzikamba.

¹²¹ Ine ndikukamba za kuzindikiritsidwa kwa Chizindikiro, Yesu Khristu, anauka ndipo ali mwa ife tsopano, akuzizindikiritsa Iyemwini, kuti atsimikizirenso Mawu Ake olonjezedwa a tsiku lino. Amen. Zikatero inu ndi Khristu ndinu mmodzi. Mulungu ndi Khristu ndi mmodzi. “Tsiku limenero, inu mudzadziwa kuti Ine ndiri mwa Atate, Atate ali mwa Ine; Ine mwa inu, ndi inu mwa Ine.” Ndi ameneyo Mulungu

akuwononetseredwa mu thupi la munthu, akudziwononetsera Iyemwini wamoyo, zitatha zaka thuu sauzande. Chimenecho ndicho Chizindikiro.

¹²² Ngati inu simuli mkatı, lowanimo mofulumira kwenikweni, abwenzi. Izo mwina kwa nthawi zikhoza kuhala mochedwa kwambiri. Ife sitikudziwa.

¹²³ Kuwonetsera Kukhalapo Kwake, Chipangano Chatsopano, Magazi. Ndipo Iwo ali moyo tsopano, akupanga kutsimikizira. Ndipo chifukwa Iye ali moyo, ife tiri ndi ufulu wa zonse zimene Iye anatigulira ife. Mwamuna amene ali ndi ubatizo wa Mzimu Woyera, kapena mkazi amene ali ndi ubatizo wa Mzimu Woyera, ali ndi ufulu kwa chirichonse chimene Yesu anatigulira ife, pakuti ndicho chisonyezo chimene ife tiri nacho. Imeneyo ndiyo mphamvu yogulira.

¹²⁴ Tinene mwachitsanzo inu mukuti, “Chabwino, M’bale Branham, inu mukutanthauza chiyani?”

¹²⁵ Apa, ndizipangitse izo zimveke tsopano, ndipo ine ndikufuna inu anthu odwala kuti mumvetse izi. Taonani, ngati ine nditakhala kuti ndikufa ndi njala, ndipo ine ndikudziwa kuti buledi, kuti, mtengo wake ndi kotala, ndipo pamene po nkubwera m’bale ndi kuti, “Eni ndalama iyi, M’bale Branham. Inu mukufa ndi njala; tengani ndalama iyi.” Tsopano, inu mukudziwa, ine ndikhoza kuhala wokondwa basi ndi ndalama imeneyo mdzanja langa momwe ine ndingakhalire ndi buledi mdzanja langa, chifukwa ine ndiri nawo mtengo wogulira. Ine ndiri nacho chizindikiro chokatengera buledi. Ndipo pomwepo apo pali buledi; ndipo chinthu chokhacho, ine ndagwirizira chizindikiro, ndalama imene ikugula buledi, ine ndikhoza basi kuhala wokondwa ndi chizindikiro momwe ine ndingakhalire ndi bulediyo.

¹²⁶ Tsopano, ngati inu muli ndi ubatizo wa Mzimu Woyera, chimenecho ndi Chizindikiro kuti inu muli ndi chinthu chirichonse cha chiwombolo chimeme Yesu anachifera, ndi chanu, icho chiri mdzanja lanu. Kodi inu mukuchita mantha kuti muzitenge izo?

¹²⁷ Ngati ine ndingaike izo mthumba mwanga, ndikuti, “Chabwino, ine sindikudziwa ngati ine ndingagule buledi ameneyo kapena ayi,” Ine ndifa ndi njala. Koma kumbukirani, wamalonda amati, “Ine ndiri ndi chofunikira chimodzi, Bambo Branham. Masenti twente faifi imodzi, inu mukhoza kukhala ndi buledi.” Ine ndiri nayo iyo! Amen. Izo zikukhazikitsa izo.

¹²⁸ Ndi chifukwa chake ife sitimawona zinthu zambiri zikuchitika lero, Chizindikirocho sichikuwonetsedwa, Chizindikiro chenicheni. Oh, ife tiri nayo mitundu yonse ya zabodza, koma ine ndikutanthauza Chizindikiro chenicheni.

¹²⁹ Taonani, ndiye pamene ife tizindikira ndipo nkupereka Chizindikiro, Moyo umene unatengera Chizindikiro,

Magazi amatiyankhulira ife. Kumbukirani, pangano la Magazi limazindikiridwa ndi Chizindikiro, ndipo Mawu amatitsimikizira ife za lonjezo. Chizindikiro ndi chizindikiritsa kuti kugula kwapangidwa kwa ife.

¹³⁰ Tsopano, ngati inu simunaikidwemo mmenemo, chabwino, ndithudi, inu simudzapeza kalikonse; inu mukungodutsa pa mzere wa pemphero, kumayenda mukubwerera mmbuyo; kuyenda kubwera pa guwa, ndi kuyang'ana mmwamba, nkumayenda mukubwerera mmbuyo.

¹³¹ Koma, oh, m'bale, pamene Chizindikiro chimenecho chiikidwa kamodzi mu wanu—wanu—mtima wanu, ndipo inu nkudziwa kuti ndi chiukitsiro cha Yesu Khristu mwa inu, chinachake chikuchitika. Palibe chirichonse chimene chingakutembuzeni inu. Inu mukudziwa kumene inu mukuyenera kukhala. Kumvera kwathunthu ku Mawu onse a Mulungu kumakuyenerezani inu kulandira Chizindikiro, ndipo osati chirichonse. “Wodala ndi iye amene amachita Malamulo Ake onse, iye akhoza kukhala ndi ufulu wa ku Mtengo wa Moyo.”

¹³² Ndiye, pamene ife tikupemphera, ife tikuyenera tizikhala ndi Chizindikiro kuti tikachipereke limodzi ndi mapemphero athu. Tsopano musalephera kumvetsa zimenezo. Pamene inu mukupemphera, inu muyenera muzikhala ndi Chizindikiro kuti mukachigwirire pa pemphero lanulo; ngati mulibe, mupitirire kupemphera kufikira Chizindikiro chitabwera, chifukwa inu simunalonjezedwe kulandira izo. Mwaona, inu mukuyenera kukhala ndi Chizindikiro ichi poyamba; umenewo ndiwo mtengo wolipirira, chikhulupiriro chanu kuti mukhulupirire izo.

¹³³ Tsopano, chizindikiro cha kumvera kwathunthu. Mantha apita. Paulo akutiua ife zimenezo, “Magazi amayankhula zinthu zabwinoko.”

Inu mukuti, “Magazi amayankhula?” Eya, Magazi amayankhula.

¹³⁴ Mu Genesis 4:10, ife tikupeza kuti Mulungu ananena kuti—kuti a Kaini...kapena, “Magazi a Abele amayankhula kuchokera mnthaka.” Ife tikupeza kuti mu Ahebri 12, kuti, “Magazi a pangano la Khristu amayankhula zinthu zabwinoko kusiyana ndi aja a Abele.” Mukuona? Ife tikupeza kuti, Magazi amayankhula, Iwo amayankhula mmalo mwanu. Moyo umene uli mwa inu umayankhula kuchokera ku Magazi okhet sedwa. Amen. Oh, m'bale! Ine ndikanakonda aliyense akanatha kuwona zimenezo. Mukuona? Ngati inu mungawone chimene icho chirri, ndi Moyo umene uli mwa inu. Mwaona, Magazi amenewo akukuzindikiritsani inu ndi Iwo. Ndi Chizindikiro. A...Chimene icho chirri, Magazi anakhetsedwera inu; inu mwawavomereza, ndipo Moyo wabwera mwa inu. Inu muli ndi Chizindikiro, ndicho Mzimu Woyeria.

¹³⁵ Ndiye pamene ife tikupemphera, ife tikuyenera kuti tizikhala ndi Chizindikiro choti tikachipereke palimodzi ndi mapemphero athu, monga ine ndinanenera, ndipo tsopano tidzikhulupirire ifeeni ndipo tiike Chizindikiro kwa banja lonse, monga mu Igupto, Yeriko, kapena mwina mu Machitidwe 16:31. Ife tikupeza kuti Paulo anamuuzu kenturio wa Chiroma, kuti, "Khulupirira iwe, ndipo nyumba yako yonse idzapulumutsidwa." Chiikeni Icho pa banja lanu. Ngati inu muli ndi mwana wosapulumutsidwa, muchiike Chizindikiro pamwamba pa iye, ndikuti, "Ambuye Mulungu, ine ndikumitanitsa iye." Mukhalebe pomwepo. Ngati inu muli ndi amayi kapena wokondedwa amene wataika, kaikeni Chizindikiro chimenecho pa iwo, ndikuti, "Ambuye Mulungu, ine ndikuwaitanitsa iwo."

¹³⁶ Tulutsani, nyasi zonse za mdziko, zichoke mnyumba mwanu, mukonzekere Icho. Muwotche akabudula anu. Tairani makadi anu kutali. Chotsani ndudu zanu. Tayani kusakhulupirira kwanu ndi mapepala anu a tchalitchi mu chotayira zinalala, mmene izo ziyenera kukhalamo. Ameni. Mukatero inu mukonzekera. Kenako muchite chiyani? Kenako muike Chizindikiro mu pemphero, ndi umboni weniweni, chikhulupiriro chenicheni. Muchiike Icho, muchiike Icho ndi chidaliro. Pamene inu mukuika Chizindikirocho, mudziwe kuti inu mwatsukidwa. "Ngati mitima yathu sititsutsa ife, ndiye ife tilandira chopempha chathu."

¹³⁷ Ngati anthu inu mukuchita zinthu zimenezo zimene ziri zolakwika, mungamupemphe bwanji Mulungu kuti akuchitireni chirichonse pamene inu mukudziwa kuti inu mukulakwitsa? Ndi chifukwa chake ife timangodzandimira mmwamba ndi kudzandimira mmbuyo. Ine sindikunena izi kuti ndikupwetekeni. Ine ndikunena izi kuti ndikuwongoleni, kuti ndikonze zinthu. Inu muzipanga motani izo pa zolemba za Sodomu ndi Gomorra? Bwererani!

¹³⁸ Mabungwe ndi azitumiki aroleza anthu kuchita chirichonse, ndi kumapitirira nazo, ndi basi kungoika dzina lawo pa buku ndi kuwatchula iwo *ichi, icho*, ndi *chinacho*, pamene izo ndi chamanyazi. Ndipo izo zafika pakuti chikhulupiriro ndi chinachake chimene sichiri nkowwe... samadziwa nkowwe kawirikawiri chimene ngakhale *icho chiri*. Iwo, iwo ali ndi chiyembekezo, koma opanda chikhulupiriro.

¹³⁹ Inu mukuyenera kuti mubwerere, ku, chirichonse chitasesedwa ndipo chiri choyerwa. Mukatero mutenge Chizindikiro chanu, pakuti mwadziwa kuti ndi Yesu Khristu ali mwa inu, ndiye muchiike Icho. Ngati chinachake sichichitika, pali chinachake chalakwika; bwereraniso, mwatenga chinthu cholakwika mdzanja lanu. Iye analonjeza izo. Iye anali Mmodzi yemwe analonjeza izo. Mukaikepo Icho. Mukawerenge Aefeso

2:12, nthawiina, ngati inu mungafune kutero, ndipo inu mudzapeza pamenepo.

¹⁴⁰ Zindikirani mu Aheberi 9:11, aponso. Paulo anati, "Kutumikira Mulungu wamoyo, ndi maneno a moyo." Osati kumanena kuti ine ndipita uko monga M'hebri amachitira, kutenga nsembe yake, ndikumabwera chotsika msewu, ndi ng'ombe yaikulu yamafuta, ndi kudzaika manja ake pa iyo ndi kuzizindikiritsa iyemwini, ndi kukhetsa magazi, ndikubwerera atalungamitsidwa. Yehova ankazifuna izo. Iye anachita izo. Ndiye m'badwo wotsatira, mwinamwake iwo anazizira pang'ono; winawakenso, anazizira pang'ono. Chinthu choyamba inu mukudziwa, iwo unadzasanduka mwambo wa banja.

¹⁴¹ Ndicho chimene apentekoste asanduka kwa ife, mwambo wa banja. Ife timapita, ndikuti, "Kodi kanema uja sanali bwino usikuuno? Ndikudabwa zimene iwo amachita ku tchalitchi? Ambuye Yesu, chiritsani . . ." Oh, chifundo! Mukuona? Izo ndi mwambo wa banja- . . ." Inu mukudziwa, ine ndinayankhula mu malirime tsiku lina. Ine ndi wa *ichi*, kapena *icho*, inu mukudziwa. Uh-huh." Oh, iwo ndi mwambo wa banja!

¹⁴² Inu mukudziwa zimene Mulungu ananena? Mulungu anati, "Zonenepe zanu ndi nkiosa zanu zikununkha mmphuno zanga. Uko nkulondola, nsembe zanu zikununkha."

¹⁴³ Ndipo chomwechonso nsembe za Apentekoste, ndi madulira athu onse a chipembedzo ndi zotengeka, ndi akazi athu ndi amuna kumachita momwe iwo akuchitira, maonekedwe aumulungu; akaimba nyimbo, ndipo winawake nkudumpha-dumpha kwakanthawi; ndipo akatero zathera pomwepo, ngati kuti awatsanulira ndowa ya madzi pa iwo, pamene Mawu a Mulungu akapezeka kuti abwerapo ndipo anena chinachake. Chavuta ndi chiyani? Nsembe zanu zayamba kununkha pamaso pa Yehova.

¹⁴⁴ Ndipo inali nthawi imeneyo imene Yesaya anabwera powonekera, ndipo anadzawauza iwo, "Ine ndikupatsani inu chizindikiro chosatha, namwali adzaima." Mwaona, ndi zimenezotu. Osati maonekedwe akufa ndi tizikhulupiriro, ayi; koma maneno a moyo, Mulungu wamoyo yemwe wauka kwa akufa, ndipo akukhala moyo pakati pathu.

¹⁴⁵ Ena a iwo, mipingo iyi monga choncho, imene imakhulupirira zinthu izi, iwo amakana kuti kuli chinthu chotero ngati Chizindikiro. Chabwino, wina anayesera kundiua ine, "Atumwi thwelofu okha analandira Mzimu Woyer. Ndizo zonse zimene zinalipo. Eya." Oh!

¹⁴⁶ Koma ife amene timakhulupirira Mawu, timadziwa mosiyana, ife timadziwa kuti uku ndi Kukhalapo kwa moyo. Pakuti ife timadziwa chotani kuti ndi Kukhalapo kwa moyo wa Khristu, Mzimu umene uli pakati pathu? Iwo ukuchita

chinthu chomwe chomwecho chimene Iye amachita. Ndiwo umboni wa icho. Mpesa umadziwika ndi chipatso chimene ukubereka. Ndiyeno ngati mpesa woyamba uja ubwerapo ndipo iwo nkulemba Bukhu la Machitidwe potsatira, ndipo chinthu chomwecho chimene Yesu anachita, atumwi anachita; ndiyen pamene mpesa umenewo udzabwera kenanso, iwo udzachita chinthu chomwecho. Mwaona, Ahebri 13:8 amati Iye ali yemweyo, oh, mai, kutsimikizira kuti Mulungu anamuukitsira Iye kwa ife, molingana ndi Mawu Ake olonjezedwa. [Malo opanda kanthu pa tepi—Mkonzi].

¹⁴⁷ Chisindikizo cha lonjezo! Aefeso 4:30 amati, “Musawukwiyitse Mzimu Woyerwa wa Mulungu, umene inu munasindikizidwa nawo kufikira tsiku la chiwombolo chanu.” Osati kufikira chitsitsimutso chotsatira. “Kufikira tsiku la chiwombolo chanu!” Kubatizidwira mwa Iwo, molingana ndi Akorinto Woyamba 12. Ndipo mwa Iye muli chidzalo, ndipo palibe tchimo limazindikiridwa mwa Iye. “Iye amene wabadwa mwa Mulungu, samachita tchimo. Mbewu ya Mulungu imakhala mwa iye, ndipo iye sangathe kuchimwa.” Iye angathe bwanji, pamene Chizindikiro chiri pamene? Chizindikiro ndi chisonyezo chakuti iye wavomerezedwa.

¹⁴⁸ Ndipo, chabwino, inu mukuti, “Ine ndimachimwa.” Chabwino, ndiyen kuti inu simunalandirebe nkomwe Chizindikiro. Mukuona?

¹⁴⁹ Chizindikiro ndi chotchinga, chowonetsera kuti mtengo walipiridwa. Ngati Satana ayesera kuperekwa icho kwa inu... Mungoganiza za ichi. Ngati Satana ayesera kukupatsani inu matenda ena, kapena ayesera kuti akupatsani inu chinachake, inu mukudziwa choti muchite? Mumuwonetse iye Chizindikiro chanu. Ndithudi, matenda amamukantha Mkhristu. Muwonetseni iye Chizindikiro chanu, ndipo mutsimikizire kwa iye kuti ndinu katundu wogulidwa ndi Mulungu. “Mukanizeni mdierekezi, ndipo iye adzakuthawani inu.” Gwirizirani Chizindikiro pa chikhulupiriro chanu chosasuntha mu Mawu Ake olonjezedwa.

¹⁵⁰ Mulungu nthawiina anaperekapo chisonyezo cha utawaleza ngati chizindikiro. Ine ndikutseka. Anaperekapo chisonyezo cha utawaleza ngati chizindikiro. Ine ndangotsala ndi papupifupi maminiti teni, ndipo kenako tikhala ndi mzere wa pemphero. Iye wakhala ali woona kwa chizindikiro chimenecho. Kodi Iye anatero? [Osonkhana akuti, “Ameni.”—Mkonzi]. Iye akadachitabe. Zaka masauzande zonse izi, Iye sanayambe nkamodzi komwe, nthawi ina, walepherapo kuchiwonetsera icho. Iye anali woona kwa chizindikiro chimenecho, kutiwonetsera ife kuti Iye nthawizonse... ndipo sadzalephera konse kulemekeza zizindikiro Zake. Ine sindikusamala ngati izo ziri...

¹⁵¹ Ngati Yesu sabwera kwa zaka teni sauzande, inu mukhale ndi Chizindikiro, Iye akuyenerabe kuchilemekeza Ich. Ziribe kanthu kuti ndi zinthu zingati zingasinthe, ndi chiri chonsecho, Iye akuyenera kuti alemekaze Chizindikiro chimenecho. Iye anati Iye akanadzatero. Chabwino. Iye akuyembekeza kuti ife tsopano tiwonetsere Chizindikiro Chake, pa chikhulupiriro chathu chopatsidwa ndi Mulungu, kwa mpatuko uliwonse wosakhulupirira mu fukoli ndi mdziko, umene umakhulupirira kuti zizindikiro ndi zodabwitsa sizimatsatira okhulupirira. Ndikukhala woona kwa Chizindikiro ichi, ndipo Ich. n Kumawonetsera kuti mtengo walipiridwa ndipo ife talandiridwa kwa chiukitsiro, tikukhala ndi Moyo wa Chizindikiro mkaati mwa ife.

¹⁵² Umenewo ndi Uthenga wocheka, koma icho ndi Choonadi. Ndicho chimene ife tikuchisowa, ndi Choonadi. Mulungu atithandize ife kuti tidziwe Choonadi. “Inu mudzadziwa Choonadi, ndipo Choonadi chidzakupangani inu amfulu.” Ine ndikudzinenera kuti Yesu Khristu ndi yemweyo dzulo, lero, ndi kwanthawizonse. Ine ndikukhulupirira kuti Mulungu apereka Mzimu Woyeru ngati Chizindikiro, pakali pano, basi kutuluka kusanachitike, kwa—kwa Mkwatibwi kutuluka kuchoka mu mpingo.

¹⁵³ Ine ndikukhulupirira pali zauve zochuluka, ndi anthu kumanena kuti iwo anafula, iwo anayankhula mmalirime. Ine ndimakhulupirira mu zinthu zimenezo; koma inu simungadalire pa zimenezo. Inu mungadalire bwanji pa zimenezo, ndiyeno nkukana Mawu? Mukuona?

¹⁵⁴ Chizindikiro ndi Mawu kumazindikiritsidwa mwa inu, kumadzhala Chokha moyo. Ameneyo ndi Mulungu kukhala Wodzitanthauzira Yekha. Inu simumasowa kunena kuti, “Chabwino, tsopano, inu mutanthauzire lirime langa.” Izo sindizo ayi. Iye amatanthauzira moyo wanu mwa Mawu. Pamene Iye atenga mawu anu, chimene inu muli, ndipo nkudzindikiritsa Mawu Ake kudutsa pamenepo, pamenepo sipamasowa kutanthauzira kulikonse, izo ziri kale pamenepo. Mulungu amadzitanthauzira Iye Yekha, ndipo ife takhala nawo malonjezo amenewa a tsikuli.

¹⁵⁵ Oh, Dallas, inu gulu lokondedwa la Akhristu, musatengeke ndi zinthu izi lero, zimene inu mukuziwona zikuyendayenda, chifukwa izo zidzafa. Muzyimba Chizindikiro chimenecho nthawizonse, muzichiwonetsere Chizindikiro chimenecho. Muzywerenga Baibulo. Mubwere kwa chirichonse. Ndipo ngati mzimu wanu mwa inu sukunena “ameni” kwa Ich, ndiyen kulibwino inu mubwerere, musinthe chimene inu muli nacho, mutenge Chizindikiro; inu simunachipeze Ich.

¹⁵⁶ Ine ndikudziwa kuti izo ndi zochuluka kwambiri kuti ndizinene pano masana amodzi. Ndipo tsopano ndi hafu pasiti

foro. Nthawi yakwana tsopano, ndipo ngati ife tingatuluke pofika faifi koloko ndi mzere wa pemphero.

¹⁵⁷ Kodi inu mukukhulupirira kuti Yesu Khristu ali moyo ndipo akulamulira lero? [Osonkhana akuti, "Ameni."—Mkonzi]. Kodi inu mukukhulupirira kuti zimene ine ndakuuzani inu ndi Choonadi? ["Ameni."] Icho ndi Chizindikiro, chofunikira. Ine ndikhoza kungoyankhula zokhazo zimene ziri Choonadi. Ine ndimangoyankhula zokhazo zimene ine ndikuziwona, zimene ine ndikuzimva, zimene zaululidwa kwa ine. Ndipo nchifukwa ine ndimanena izi; kwa makumi a zikwi kuchulukitsa masauzande za nthawi, palibe nthawi imodzi zinayamba zalepherapo kukhala choonadi. Tsopano zimenezo ayenera kukhala Mulungu. Zimenezo ayenera kukhala Mulungu. Chabwino, kodi Mulungu angapereke utumiki ngati umenewo kwa winawake amene samadziwa chimene iwo akuchikamba? ["Ayi."] Kodi Iye angadzizindikiritse Iyemwini ngati mpenyi ameneyo uko, ndipo kenako nkutembenuka ndi kumupatsa iye Mawu-osakanizika? ["Ayi."] Munthu amene akuwakana Iwo, ndi amene ali wobalalika. Ndipo Mulungu si wobalalika. Mulungu ndi wodzitanthauzira Iye Yekha.

¹⁵⁸ Landirani Chizindikiro! Musadalire pa kujowina mpingo uliwonse kapena mawonekedwe aliwonse, kapena chirichonse. Tengani Chizindikiro! Chigwireni Icho. Ndicho chinthu chokhacho chimene Mulungu adzachizindikire. Pamene inu mudzafika ku ora limenelo, pamene izo zidzafika pa imfa yanu, inu kulibwino mudzagwire Chizindikiro chimenecho pa inueni; mukudziwa kuti pa tsiku la kudza Kwake, chiukitsiro chimenecho, ine ndikhoza kudzawonetsera Chizindikiro chimenecho. Izo sizidzakhala mu thupi ili, ilo lavunda; koma mu Mzimu uwu, umene sungathe kufa, ndi Moyo Wamuyaya, Chizindikiro chimakhazikika pameneopo. Ndipo Iye analonjeza, "Ine ndidzamuukitsa iye kenango pa tsiku lotsiriza."

¹⁵⁹ Yesu Khristu yemwe uja ali pano. Iye ndi Mtumikiyo. Iye ali...*Apa* pali Uthenga, ndipo Iye ndi Mtumiki pano kuti azindikiritse Uthenga Wake. Ine si Mtumikiyo. Mtumiki ndi Iyeyo, ndipo Uthenga wake ndi *Umenewu*. Ndipo ngati inu muli ndi Mzimu umene ukutsutsana ndi *Iwo*, iwo ungakhale bwanji Mtumiki wa Uthenga? Chizindikiro chokha chidzazindikiritsa *Iwo*. Ameni.

¹⁶⁰ Ine ndikumverera mwachipembedzo. Ine ndithudi ndikutero. Ine ndikumverera ngati ndiwuluke pakali pano, pakuti ine ndikudziwa Yemwe ine ndamukhulupirira, ndipo ine ndawuwona moyo wanga ukuzindikiritsidwa ndi Iye mu chiukitsiro Chake. Kukhalapo Kwake kuli pano. Vomerezani Icho, abwenzi, chonde mutero, pansi mu mtima mwanu.

¹⁶¹ Ine ndikudziwa ife tonse timabwera mozungulira guwa ndi kudzapemphera. Limenero ndi lingaliro lachikale la

Chimethodisti. Iwo sankachita konse zimenezo mu Baibulo. Baibulo linati, "Onse amene anakhulupirira anabatizidwa." Uko nkulondola. Kunalibe chinthu choterocho ngati kuitanira pa guwa mu Baibulo. Icho ndi chinachake chimene ife tinachiwonjezera, chimene chiri chabwino. Chirichonse chimene Mulungu achidalitsa, ndi chabwino.

¹⁶² Monga iwo amazodza tinsalu. Munalibemo chinthu ngati chimenecho mu Baibulo. "Iwo ankatenga kuchokera pa thupi la Paulo mipango ndi zovala."

¹⁶³ Koma mwanjira iliyonse imene inu mukufuna kuchitira izo, izo ndi zabwino, pamene mwakhalapo, pa guwa, paliponse pamene mungachitire. Chinthu chokhacho, ikani Icho, Chizindikiro pa inu. Kenako mudziyang'ane nokha, ndipo muwone kuti ndi moyo wa mtundu wanji umene ukuchitika, muwone ngati Icho chaikidwapo kapena ayi. Ngati Icho sichinatero, ndiye siyani chirichonse chimene inu muli nacho, pambali, ndipo mubwerere, kufikira Chizindikiro chitaikidwa.

¹⁶⁴ Tiyen'i tipemphere. Atate Akumwamba, mwinamwake ine—ine—ine ndinayankhula mwaphuma, koma, Ambuye, msomali ungagwire bwanji pophapokha iwe utawukhoma iwo? Ine ndikupemphera, Atate, kuti iwo ukakhomedwe mu mtima wa anthuwa, kuti iwo akawone kuti icho si chinthu chongokongoletsa. Izo sikuti ine ndikuyesera kuzindikiritsa bungwe lina, mtundu wina, mpatuko wina, munthu wina, kapena inemwini, kapena wina aliyense. Ndi Yesu Khristu. "Ine ndiwaponyera mabungwe onsewo pamodzi," iwo ndi theka la mmodzi ndi theka la dazeni la mzake, molingana ndi Mawu Anu. "Mayi wakale hule," Baibulo mu Chivumbulutso 17, "anal'i mayi wa mmodzi aliyense wa timahule timeneto." Ndipo iwo sangakhale mwamuna. Iwo anal'i timahule, ndipo iwo onse anapita pa kama wa chidziko. Ndipo ife tikuwona achita izo, Apentekoste ndi onse.

¹⁶⁵ Koma, Yesu, Inu mudakali apobe Yesu. Musalole kuti iwo azimvetsera uthenga wa mpingo; koma Uthenga wa Khritsu, Mawu. Inu muzizindikiritsa Inueni, Ambuye, lero, ndi okhulupirira. Achizeni odwala onse. Mukhululukire machimo athu, Ambuye. Ine—ine ndikupemphera, ngati wantchito Wanu, chonde khululukirani machimo anga, ndipo mukhululukire machimo a anthu awa. Ine ndikudalira, Ambuye. Mmodzi aliyense wa iwo mosakaikira wathandizira mu zoperek'a, kulipirira zo—zomanga, ndipo iwo aperek'a ndalam'a zawo, ndipo iwo atero—iwo atero—iwo achita chirichonse, Ambuye. O Mulungu, ine ndikupemphera kuti pasakhale mmodzi wa iwo ati achiphonye icho, Ambuye. Mulole mmodzi aliyense.

¹⁶⁶ Ine—ine ndikuchita zimenezo ndi kudziperek'a, ndipo komabe, Ambuye, iwe uyenera kukhala wokhazikika. Ife tikudziwa, kukonza ndi chikondi. Chikondi chimakonza.

Ndipo ine ndikupemphera. Pakuti ndicho chifukwa chimene Inu munawakonza anthu Anu, chinali chifukwa chakuti Inu munawakonda iwo, ndipo tchimo lirilonse likuyenera kuyankhidwira.

¹⁶⁷ Ndipo, Atate, ine ndikupemphera kuti Inu mukhululukire machimo athu tsopano, pamene ife tikuwalapa iwo. Ife tayendayenda kupita kutali, Ambuye. Ine ndikuzindikiritsidwa ndi anthu Achipentekoste awa, Ambuye. Ine—ndine mmodzi wa iwo. Ndipo ine—ine ndikupemphera, Mulungu, kuti Inu mukatikhululukire ife tonse. Ndipo muwatenge ena a atsogoleri awa ndipo muwatembenuze iwo, ndipo—ndipo mulole iwo ayang’ane molunjika ku Kalvare uko kamodzi, ndiyeno iwo ayiwala chimene iwo akuyenera kukhala, woyang’anira kapena bishopu, kapena chirichonse chimene icho chingakhale, ndipo adziwa kuti ife palibepo wamkulu mu Ufumu uwu. Ndife tonse ana a Mulungu. Ine ndikupemphera kuti Inu mukatithandize ife tsopano. Zizindikiritseni Inumwini pakati pathu, lero. Ife tikupempha mu Dzina la Yesu Khristu. Ameni.

¹⁶⁸ Tsopano basi tisanayambe mzere wa pemhero, mwina pakhoza kukhala wina pano sanayambe wabwerapo kuno. Ine sindikudziwa yemwe inu muli, koma Mulungu akukudziwani inu. Ngati ine ndakuuzani Choonadi, mulole Mulungu achizindikiritsé icho, kaya icho ndi Choonadi kapena ayi, ndiko kutsimikizira kwa izo. Ngati Iye anauka kuchokera kwa akufa, Iye ali yemweyo dzulo, lero, ndi kwanthawizonse. Iye ananena mu Yohane 14:12, “Iye amene akhulupirira,” osati iye amene adzipangitsa kukhulupirira. “Iye amene akhulupirira mwa Ine, ntchito zimene Ine ndikuzichita iyenso adzazichita.” Nkulondola uko?

¹⁶⁹ Winawake anati, ““Zazikulu inu mudzazichita.”” Uko nkulondola. Anati, “Chabwino, ife timalalikira Uthenga, zimenezo ndi zazikulu.”

¹⁷⁰ Muzingochita zinthu zimene Iye ankachita, izo zidzatsimikizira izo kwa ine, mwaona, kenako ife tidzayankhula zokhudza zazikulu. Ine ndikhoza kukuwonetserani inu zinthu zazikulu zimene Iye akuzichita tsopano kuposa Iye ankazichita pamene Iye anali pa dziko lapansi, ndipo zimenezo si kungolalikira Uthenga, ayinso; zimenezo ndi mu zizindikiro ndi zozizwitsa. Si nthawi ya izo. Ingokhulupirirani. Ndipo mulole Mulungu wa Kumwamba, Yemwe anamuukitsa Yesu Khristu kwa akufa, ndipo wamuperekira Iye pano wamoyo, kwa ife, zitatha zaka thuu sauzande, kuzindikiritsa Uthenga uwu, kuti Iwo ndi wolondola. Chizindikiro chikuyenera kuikidwa.

¹⁷¹ Tsopano, inu amene muli ndi matenda ndi mavuto, pempherani, modziperekira basi munene, “Ambuye, ine ndikukhulupirira kuti Ndinu ‘Wansembe Wamkulu amene akhoza kukhudzidwa ndi kumverera kwa zifooko zathu.’ Ndipo

tauqidwa ndi mtumiki uyu apa, kuti Inu muli ndi ife, pano, ndiye ine ndikufuna kuti Inu mukhale ndi ife ndipo muzidzindikiritsé Inumwini.” Tsopano pempherani, mmodzi aliyense wa inu.

¹⁷² Tsopano izo ziri kwa Mulungu kuti ayankhule chinachake. Ndi nthawi yotani! Oh, mai! Ine ndikanakonda inu mukanangodziwa chinachake, mmene iwe umamverera pamene Icho chibwera, dziko lonse limakhala la iwe. Ameni. Palibe mdierekezi amene angachite chirichonse, iye ndi chinthu chogonjetsedwa. Ambuye wanga ali pano. Zonsezo ziri mmanja mwathu. Ameni.

Chonde mukhale chete kwenikweni. Musayendeyende. Mukhale bata.

¹⁷³ Inu amene muli mzikuku, ndi zinthu, musaganize kuti inu ndi opanda thandizo. Mukhulupire. Inu—inu, inu mwadutsa kupyola mmizere yapemphero, ndipo zalephereka ndi kulephereka. Sanali mtumiki amene anakupemphererani inuyo, analephera. Ndi chikhulupiro chanu, ndipo inu mwayamba kuganiza kuti inu simuchita kalikonse. Inu mukhulupire.

¹⁷⁴ Apa, apa pali Kuwala uku apa, pa dona wachikuda wakhala kumbuyo kuno, waima ndi manja ake atakwezedwa mmwamba monga *chonchi*. Eya. Inu mumapemphera. Eya. Inu mukundikhulupira ine kukhala mneneri Wake, kapena wantchito Wake? Ine sindikuyenera kunena zimenezo, chifukwa izo zimawapunthwitsa anthu kwambiri. Inu muli ndi wabwino...

¹⁷⁵ Apa pali bambo wachizungu, mkazi wachikuda, chimodzimodzi monga momwe izo zinakhalira ndi Ambuye wathu ndi mkazi pa chitsime, mitundu iwiri yosiyana. Iye anawalola iwo kuti adziwe kuti palibe kusiyana ndi mitundu. Mitundu yathu ilibe kanthu kochita ndi izo. Ndife tonse... Ife tikhoza kupatsana wina ndi mzake magazi. Mulungu anapanga, a magazi amodzi, mafuko onse.

¹⁷⁶ Inu mukukhala ndi kupweteka kwa mutu, kupweteka kwa mutu kowirikiza. Ndiye inu muli ndi cholemetsa pa mtima wanu, ndicho cha mwana ameneyo. Ndipo inu... Iye waponderezedwa. [Mlongo akuti, “Ameni.”—Mkonzi]. Ndizo ndendende. Nzoona izo? [“Ameni.”] Uko nkulondola.

¹⁷⁷ Dona uyu wakhala apo kuchokera kwa inu pamenepo, iye akuwoneka kuti akufanana ndi inu, amene ali amayi anu. [Mlongo akuti, “Ameni.”—Mkonzi]. Uko nkulondola. [“Mulungu alemekezeke!”] Ndipo iye ali ndi chinachake chikumuvuta iye.

¹⁷⁸ Kodi inu mukundikhulupira ine, dona? [Amayi akuti, “Ameni.”—Mkonzi]. Inu mukutero? Vuto lanu ndi kupweteka pa mbali panu. Uko nkulondola. Ndi mbali yanu yakumanja imene ikukupwetekani. Nkulondola uko? Kwezani mmwamba dzanja lanu, ngati izo ziri zoona. Izso sizikuvutaninso inu kenanso. Inu mukukhulupira (ngati) Mulungu angandiuze ine yemwe

inu muli? Akazi a Lowell. [“Ameni.”] Kulondola. [“Ameni.”] Chabwino, pitani pa njira yanu, Ambuye Yesu akupatseni inu chopempha chanu.

¹⁷⁹ Pamapeto kumene apo pali dona wina wachikuda wakhala pansi, akuyang’ana, basi zimene—basi ngati kuti zimung’ambe iye mzidutswa. Iye akundiyang’ana ine molunjika. Iye akukhulupirira izo. Icho, inu simukuchiwona Chinthu chimenecho apo pafupi ndi iye? Iye akuvutika ndi vuto la impsyo. Izo nzoona. Izo zonse zatha tsopano; Iye wakuchizani inu. Ameni.

¹⁸⁰ Chifukwa chiyani inu simukukhulupirira? “Ngati inu mungakhulupirire, zinthu zonse ndi zotheka.” Kodi inu mukukhulupirira zimenezo? [Osonkhana akuti, “Ameni.”—Mkonzi]. Apa pali... Tayang’anani pa anthu achikuda! Chikhulupiriro chanu chiri kuti, amzanga achizungu?

¹⁸¹ Apa pali dona wachikuda wakhala pomwe apa, akuyang’ana molunjika pa ine, wokhala ngati dona wonenepa. Iye ali ndi vuto ndi bondo lake. Iye alinso ndi vuto, iye ali ndi vuto la mtima. Eya. Ndipo iye ali ndi kufooka, akumapepeyuka ndi zinthu monga choncho, makamaka pamene inu mukuyesera kuti mugone pansi, phuma. Mukuona? Izo zinachitika usiku wathawu. Kumbukirani, ine sindikuwerenga maganizo anu, koma ine ndikudziwa chimene inu mumachipempherera. Inu mumafuna kuti muchite kuitanidwa chifukwa cha ichi, lero, ndipo Iye wakuyankhani inu. Tsopano mukumavutikanso kuti mudzuke, chifukwa inu muli ndi nyamakazi. Uko nkulondola. Ndiyeno, chinthu china, inu muli ndi vuto la mmimba, chimene chiri chomera mkatи mwa mmimba. Izo nzoona. Tsopano kodi inu mukundikhulupirira ine kukhala mneneri Wake? Ine ndichinenia icho, mulimonse. Khulupirirani, ndipo inu mukhala bwino.

¹⁸² Nanga bwanji vuto *lanu* la mmimba? Kodi inu mukukhulupirira kuti Mulungu achiritsa vuto lanu la mmimba, mwakhala pamenepo, inunso? Kodi inu mukukhulupirira izo? Chabwino, ndiye inu mukhoza kulandira machiritso a mmimba mwanu. Ameni.

¹⁸³ Inu mukufuna kuti musiye kusuta, pamenepo, dona? Inu mukukhulupirira Mulungu akupangitsani inu kusiya kusutako? Mwakhala mukuyesetsa kwa nthawi yaitali. Inu muli ndi vuto la mmimba, aponso; mwakhala mukuyesetsa kuti musiye ndudu. Izo ndi zimene zikupangitsa vuto lanu la mmimba. Kodi inu muzisiya izo? Ine ndikuzikaniza izo kwa inu, mu Dzina la Yesu Khristu, chifukwa cha chikhulupiriro chanu kuti mumukhudze Iye.

Ine ndikukubetcherani inu kuti mukhulupirire Mulungu!

¹⁸⁴ Apa pali mkazi wamng’ono wakhala pamenepo akumupempherera wake... wokondedwa ali mchipatala, akufa, ndi khansa. Kulondola. Ndi amalume. Izo nzoona. Inu ndi

mwina... Ndinu mkazi wa mtumiki. Inu mukhulupirire ndi mtima wanu wonse, bamboyo akhala bwino.

¹⁸⁵ Ine ndikukubetcherani inu kuti mukhulupirire Mulungu! Ndi chiyani chimenecho? Kuzindikiritsidwa, kuti ndi Yesu Khristu. Inu mukuti, “Khristu ndi chiyani?”

¹⁸⁶ Iye ndi Mawu. “Pachiyambi panali Mawu, Mawu anali ndi Mulungu. Ndipo Mawu anasandulika thupi ndipo anadzakhala pakati pathu.” “Mawu ndi akuthwa kuposa lupanga lakuthwa konsekonde, ozindikira maganizo ndi zamkati mwa mtima.” Kodi inu simukuwona kuti Mawu abwera pakati pathu mmasiku otsiriza? Ndi Mzimu Woyeru umene ukutenga Mawu a Mulungu ndi kumamuzindikiritsa Yesu Khristu, yemwe ali Chizindikiro. Ameni. Kodi inu mukhulupirira? [Osonkhana akuti, “Ameni.”—Mkonzi].

¹⁸⁷ Ndi angati ali ndi makadi a pemphero? Onse ku mbali *iyi* amene ali ndi makadi a pemphero, aimirire mu mzere uwu *apa*. Ingoimirirani, nonse ku mbali imeneyo, mbali iyo yokha mudzaime apa mkanjira. Ayi, a kumbali ya dzanja la kumanja kwa kanjira okha, chonde, pomwe apo. Othandizira, mupite kumalo anu. Ndiye iwo akamalizitsa, enawo adziima, iwo akatha kudutsa, ndiye zikhale mosinthana sinthana ndi mbali inayo. Tsopano aliyense akhale molemekeza.

¹⁸⁸ Mzimu Woyeru unatenga ulamuliro wa msonkhanowo, chotero panali zochuluka zinanenedwa ndipo zinachitika kuti zitsimikizire. Ndi angati akukhulupirira kuti Iye ali pano? Ndi angati akukhulupirira kuti chimenecho ndi Chizindikiro? Ndi angati akukhulupirira kuti iwo ndi Mawu? [Osonkhana akuyamba kusangalala—Mkonzi]. Taonani, ndi angati akudziwa kuti Bukhu la Ahebri linanena, kuti, “Mawu a Mulungu amazindikira malingaliro amene ali mu mtima”? Ndi angati akudziwa zimenezo? Ndi angati akudziwa kuti ndicho chifukwa Yesu amatha kuzindikira malingaliro mu mtima mwawo, chifukwa Iye anali Mawu? Ndi angati akukhulupirira zimenezo? Ndi angati akukhulupirira kuti ndi zimene zinali ndi aneneri? Iwo anali amene Mawu amabwerako. Tsopano ngati Mawu abwerera kwa ife, kodi Iwo sachita chimodzimodzi? Ndiye zingatheke bwanji kuti Mawu amene akuzindikiritsa Mawu, akhale olakwika ndi Mawu? Oh, chifundo! Molemekeza!

¹⁸⁹ Hei, dona uyu wakhala apa, iye ali ndi chinachake pa mtima pake, nayenso. Ine ndinangopezeka ndatembenuka ndipo ndachigwira icho. Kodi sindinu Akazi a Grant? Ine sindimadziwa konse zimenezo. Koma inu ndi Akazi a Grant, chifukwa ine ndikukuwonani inu ndi chimenecho. Inu muli ndi manjenje amene akukuvutitsani inu. Inu muli, mwana wanu wamwamuna ali ndi chinachake chimzake... magazi ake, ngati, akuukha. Ine ndikukubetcherani inu kuti mukhulupirire

zimenezo! Ameni. Iye ndi Bwana wa chochitikacho. Iye ndi Bwana wa imfa.

Tiyeni tipemphere.

¹⁹⁰ Ambuye Yesu, pamene Kukhalapo Kwantu kukutizodza ife, muno mchipinda chino, ndipo ife tikudziwa kuti uwu ndi Mzimu Woyerera, Ine ndikupemphera, Ambuye, kuti Inu mumuchize munthu aliyense amene akavale mipango iyi.

¹⁹¹ Nthawi ina, ife timaphunzitsidwa mu Baibulo, kuti anthu Anu, ali pa mzere wa ntchito, anali akuwoloka Nyanja Yofiira, ndipo nyanja inaima panjira yawo, ali pa msewu wawo akupita ku dziko lononjezedwa. Mulungu anayang'ana pansi kudutsa Lawi la Moto limenero, ndi maso okwiya, ndipo nyanjayo inachita mantha, inasunthira mmbuyo, ndipo Israeli anapitirira waku dziko lononjezedwa, ali pa mzere wa ntchito.

¹⁹² O Ambuye Mulungu, mulole maso Anu ayang'ane kudutsa Magazi a Yesu Khristu, kutsika mpaka ku Chizindikiro ichi apa chimene ife tagwirizira pa mipango iyi lero. Ndipo mulole aliyense amene ati akavale izi, mulole nthendayo ikachite mantha, mulole iyo ikasunthire mmbuyo ndipo anthu Anu akawolokere ku lonjezo la thanzi labwino. "Pemphero la chikhulupiriro lidzapulumutsa odwala." Mu Dzina la Yesu Khristu, mulole kuti zikakhale chomwecho. Ameni.

¹⁹³ Ndi angati alaliki okhulupirira Achimethodisti ali muno, alaliki Achibaptisti, alaliki Achipresbateria, Alaliki Abaptisti, Achilutera, kapena Achipentekoste? Ndi Angati a inu mukukhulupirira Ichi kukhala Choonadi? Bwerani apa ndipo mudzaime pambali ya ine pamene ife tikupempherera odwala ndiye. Bwerani kumtunda kuno, alaliki nonse inu amene mukukhulupirira.

¹⁹⁴ Zonse ziri bwino, si choncho? M'bale Grant, izo ziri bwino? [M'bale Grant akuti, "Ndithudi."—Mkonzi]. Uh-huh.

¹⁹⁵ Bwerani kumusi kuno, m'bale. M'bale Grant ali ndi utumiki wopempherera odwala. Mwamuna wochirimika, munthu wabwino, munthu amene Mulungu amamumva ndipo amamuyankha pemphero, M'bale Grant. Ndine wokondwa kuika nkono wanga momukumbatira iye lero ndi kunena zimenezo, ndi mbale wanga. Tsopano iye abwera kumusi kuno kudzapemphera ndi ine.

¹⁹⁶ Pamene muzidutsa mzere uwu, ngati kuti mukubwera pansi pa mtanda. Abale, mupange mizere iwiri pomwe apa, pomwe apa. Mupange mizere iwiri; ena kumtunda kuno, ena kumusi uko.

¹⁹⁷ M'bale Roy Borders, inu muli pati? M'bale Roy Borders, ine ndimaganiza kuti iye anali muno. [Winawake akuti, "Iye akhala akubwera posachedwapa."—Mkonzi].

¹⁹⁸ Tayang'anani apa, pa azitumiki, inu mungatero! Tayang'anani uko. Izo zikundipangitsa ine kumverera bwino, abale. Atumiki a mtanda, munthu amene akuima kumtunda kuno kuti azizindikirite iwoeni ndi Uthenga. Chingachitike ndi chiyani?

¹⁹⁹ Tsopano, taonani, musaziike izo pa azitumiki tsopano. Iwo abwera kuti adzazizindikirite iwoeni. Pamene inu mukudutsa apa, muzizind-...mugwire Chizindikiro patsogolo panu, "Ambuye Yesu, ine ndalapa machimo anga. Mobwezera, Inu mwandipatsa ine ubatizo wa Mzimu Woyer. Ine ndine chinthu chogulidwa. Tchimo, matenda kapena chirichonse palibe chingandigwire ine kuyambira pano mpakana. Ine ndikupitirira molondola." Gwirani chimenecho, oh, patsogolo panu, ndipo muzidutsa apa, ndipo Mulungu akuchizani inu ndipo inu muzichoka pano mukusangalala, okondwa, ndipo mukakhala bwino. Kodi inu mukukhulupirira zimenezo? [Osonkhana akuti, "Ameni."—Mkonzi].

²⁰⁰ Tsopano munthu aliyense muno, tiyen iweramitse mitu yathu, abale, pamene pamodzi. Ife sitikudziwa chimene chiti chichitike. Ife basi sitikudziwa. Palibepo chifukwa chirichonse kuti wodwala aliyense achoke mu nyumba ino masana uno. Gwirani Chizindikiro chimenecho mu mtima mwanu, mudutse kudzera pa mzere wa pemphero uwu; pamene azitumiki, amene apatulira miyoyo yawo ku-ku utumiki, ati aime pano, kumasanjika manja pa inu pamene inu muzidutsa.

Inu mukuti, "Chifukwa chiyani inu mwachita zimenezo, M'bale Branham?"

²⁰¹ Ine ndikufuna inu, aliyense, kuti mungodziwa...Ine si wochiritsayo. Amuna awa ali ndi ufulu basi wochuluka kupempherera odwala monga wina aliyense. Kunena moona, ine ndikukhulupirira kuti Mulungu akhoza kuyankha mapemphero awo Iye asanayankhe anga. Ine ndatopa ndipo ndafooka, ndi chirichonse. Ine—ine ndikukhulupirira kuti Iye akhoza kuyankha mapemphero awo. Ndipo pano iwo aimirira mkatи mwa zimenezo, kuti azizindikirite okha, sakuchita manyazi kuti atenge malo awo. Ine ndikuyamikira mwamuna woteroyo.

²⁰² Tsopano, abale, ine ndikudziwa kumverera kwanu. Ndine, ine ndiri mmodzi ndi inu. Ine ndi amene ndinaluka ukonde wanga ndi inu, kunja kuno mu Texas, kuyesetsa kuti ndigwire imodzi iliyonse ya nsomba zimenezo zimene Mulungu anazizodzeratu ku Moyo, kunja uko. Ine ndikuchita mwakukhoza kwanga. Ine ndiri ndi inu, wani handirede peresenti. Nthawizina ine ndimazazira ndi kukuwa zokhudza chipembedzo ndi zinthu. Izo sizitanthauza kuti ine ndikutsutsana nanu, m'bale wanga. Ine ndimatanthauza kuti ndikutsutsana ndi kachitidwe kamene kangatilekanitse ife kukhala abale, chifukwa cha chipunzitso china cha

chipembedzo. Ife ndi abale mwa ubatizo wa Mzimu Woyeria. Ife tagwirizira Chizindikiro chofanana. Ife talandira Magazi ofanana, chotero tiyeni tikhulupirire izo. Ife tikhoza kukakumana Kumeneko (sichoncho ife?), abale, mmodzi aliyense wa ife pansi pa Magazi.

²⁰³ Tsopano, ine ndinazodzedwa wa Baptisti. Mwinamwake ndinu wa Methodisti, kapena Lutheran, kapena Presbateria, Pentekoste, Oneness, Twoness, Threeness, kapena chirichonse chimene inu muli nacho, Mpingo wa Mulungu, chirichonse chimene icho chir. Zimenezo sizimapanga kusiyana kulikonse. Ife sitingagwirizane pa zinthu zazing'ono zimenezo, tiyeni tiywale za izo ndiye.

²⁰⁴ Chinachake chimene ife tingagwirizanirepo, kuti Yesu Khristu Mpulumutsi wathu anafera machimo athu, anawukanso ndipo akutipatsa ife Chizindikiro. Ife taima pano ndi mapemphero athu, kuti tiwagwirizire pa abale odwala awa ndi alongo amene azidutsa pa mzere uwu. Ine ndikhulupirira izo ndi mtima wanga wonse.

²⁰⁵ Ine ndinawona chinachake chikuchitika pamenepo. Ameni. Ine ndikudziwa inu mukuganiza kuti ndine wamisala, koma ine ndikumverera bwino kukhala wamisala. Ine ndikungoyembekeza kuti ine ndikhoza kukhala mwanjira imeneyi. Inde, bwana. Ine ndikungomverera modabwitsa mwanjira iyi.

Tiyeni tipemphere.

²⁰⁶ Ambuye Yesu, ine ndikuchoka pa nsanja iyi, ndikutsikira apa, kuti ndikazizindikiritsa ndekha ndi abale awa. Ine ndikuzizindikiritsa ndekha ndi iwo, pamene ife tonse tikugwira Zizindikiro zathu mmanja athu, ndi mmitima mwathu. Pamene ife tikumvera kulamulira Kwanu, "kusanjika manja pa odwala, ndipo iwo adzachira." Mulole munthu aliyense akamadutsa apa, awonetsera Chizindikiro chawo, kuti iwo alandira Mzimu Woyeria, kuti iwo ndi mwana wa Mulungu wobadwa mwatsopano, kuti iwo akukhulupirira izo ndi mtima wavo wonse. Ndipo pamene iwo azidutsa, mulole iwo atemberere nthenda imeneyo ndi kusautsika kwa thupi lawo. Ndipo mulole iwo achoke pano akusangalala akudziwa kuti chikhulupiriro chawo chawapanga iwo kukhala athunthu.

²⁰⁷ Ndipo, Ambuye Mulungu, monga ife tinaikira, Chipangano Chakale, manja athu pa nsembe, kuti tikazizindikirits tokha ndi nsembe, ife tikuika manja athu pa Yesu ndipo tikuzizindikiritsa ifeeni ndi Iye. Iye anaika manja Ake pa ife tsopano mu utumiki, kuzizindikiritsa Iyemwini ndi ife, mwa zizindikiro ndi zodabwitsa. Ndipo ife tikuika manja athu pa odwala, kuti tikazizindikirits ifeeni ndi iwo, ndi chikhulupiriro chathu chitalumikizana ndi iwo. Matenda akuyenera azipita,

ndipo iwo achite izo mu Dzina la Yesu Khristu, pamene ife tikuyenda apa kuti tikalandire iwo.

Osonkhana onse apemphere.

²⁰⁸ Roy kapena winawake bwerani kuno ndipo mudzaime pafupi ndi maikrofoni awa, ndipo mudzikazikitsa mizere iyi kukhala yowongoka.

²⁰⁹ Taonani, pamene inu mukudutsa apa tsopano, muzibwera mukukhulupirira, muzibwera mukupemphera. Ife tizingosanjika manja pa odwala. Kazibwerani muzidutsa. Pempherani. Pamene inu muzidutsa mzere wa atumiki awa; ngati mukuyendera ndodo, muzisiye izo pansi ndipo muziyenda mukuchokapo. Ngati munali ndi khansa, nthenda, muziti, “Adokotala achita zonse zimene iwo angathe kuchita, iwo achita zonse zimene angathe kuchita, ndipo iye anati ine ndikuyenera kufa. Ine sindifa ayi. Chizindikiro changa ndi ichi, Ambuye. Inu mwandilonjeza ine makumi asanu ndi awiri. Ine ndikuyenda kudutsa apa, ndikuchita izo.” Mwaona, chitani zimenezo. Kodi inu muchita izo? [Osonkhana akuti, “Ameni.”—Mkonzi]. Mu Dzina la Yesu, izo zikhale chomwecho. Ameni.

²¹⁰ Chabwino, musiye mzere uziyenda. [M’bale Branham ndi azitumiki akupempherera odwala, pamene m’bale akutsogolera osonkhana mu kuimba *Kungokhulupirira* ndi nyimbo zina. Malo opanda kanthu pa tepi—Mkonzi].

Ine ndikukhulupirira!

Kukaikira kwanga konse kwaikidwa mu Kasupe.

²¹¹ Kodi inu mukukhulupirira izo? [Osonkhana akuti, “Ameni.”—Mkonzi]. Ameni. Oh, kodi Iye si wodabwitsa? [“Ameni.”] Ena a iwo anali pa nsaru zimenezo ndi machira, adzuka ndipo achokapo akuyenda; angozisiya izo zitakhala pamenepo, ndipo achokapo akuyenda. Oh, ndi aliyense akhoza kuchiritsidwa tsopano, amene akhulupirire izo. Kodi inu mukukhulupirira? [“Ameni.”]

²¹² Tiyeni mutipatse ife poyambira, *Ine ndimkonda Iye*, inu mutero, mlongo; nyimbo yakale, “Ine ndimkonda Iye, Ine ndimkonda Iye chifukwa...”? Tiyeni tonse tingokwezera maliwu athu, ndi manja athu, mitima yathu, kwa Mulungu, ndipo tiziimba, “Ine ndimkonda Iye, Ine ndimkonda Iye, chifukwa Iye anayamba kundikonda ine.” Aliyense tsopano.

Ndimkonda Iye, ndimkonda Iye

Chifukwa Iye anayamba kundikonda ine

Nagula chipulumutso changa

Pa Kalv-...

²¹³ Dona, wachoka pa chikuku, akuyenda modutsa apa mothandizidwa ndi anthu awiri. “Ine...” Tiyeni ife tibaabitse manja anthu kwa Mulungu, “Ine ndimkonda Iye!”

Ine ndinkonda Iye
 Chifukwa Iye anayamba kundikonda ine
 Nagula chipulumutso changa
 Pa wa Kalvare . . .

Tiyeni tingomuyamika Iye tsopano, aliyense!

²¹⁴ Ulemerero kwa Mulungu! Momwe ife tikukuthokozerani Inu, Ambuye Yesu, chifukwa cha ubwino Wanu, Kukhalapo Kwanu. Oh, ife tikukuthokozani Inu chifukwa cha Chizindikiro, Ambuye. Ife tapulumutsidwa ndipo tadtazidwa ndi Mzimu, Mzimu Woyerwa ukututumitsa matupi athu tsopano. Momwe ife tikukuthokozerani Inu chifukwa cha izi, Atate! Oh, mu Dzina la Yesu ife tikukuthokozani Inu. Ameni. Ameni.

²¹⁵ Aliyense mugwirane manja, ndikuti, “Ambuye alemekazeke!” Gwiranani manja wina ndi mzake, ndikuti, “Ambuye alemekazeke! Ambuye alemekazeke!” (....?....) Chabwino, tsopano, tonse pamodzi kenanso.

Ine ndimkonda Iye, (manja mmwamba, mitima mmwamba) ine . . . (mungozifotokoza izo kuchokera mu mtima wanu)
 Chifukwa Iye anayamba kundikonda ine (Kodi inu mutibalalitsa?)
 Nagula chipulumutso changa
 Pa mtengo wa Kalvare.

²¹⁶ Tsopano tiyeni tiweramitse mitu yathu molemekeza kwenikweni, pamene ine ndikupereka msonkhano tsopano kwa M'bale Grant kuti atibalalitse; tikuthokoza mmodzi aliyense wa inu. Poyamba, kuthokoza Ambuye chifukwa cha ubwino Wake, chifundo Chake, ndi chitsimikizo chimene ine ndikuyembekezera kuti ife tasiya mu mtima wanu, kuti ife sitiri pano tokha. Kaputeni wathu wopambana Wamkulu ali pakati pathu. Kufuula kwa Mfumu kuli mu msasa. Ndipo ife tikuthokoza Ambuye, kuwona mphamvu Yake yaikulu ndi chifundo Chake chachikulu. Ndipo tsopano tiyeni ife tiweramitse mitu yathu molemekeza. M'bale Grant.



CHIZINDIKIRO CHA64-0308
(The Token)

Uthenga uwu wa M'bale William Marrion Branham, woperekedwa mu Chingerezi Lamlungu masana, Malichi 8, 1964, ku Soul's Harbor Temple mu Dallas, Texas, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2021 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org